





文苑英華卷第六百二十八

謝恩一

為李卿謝三品狀一首

代鄭相公謝賜戟狀一首

謝官告狀二首

謝賜告身等狀四首

為侍郎汝南公華州謝加階狀一首

謝讓讓狀一首

謝口勅放三司推問狀一首

為濮陽公謝罰俸狀一首

為李卿謝三品狀一首

苑咸

伏奉今月恩制特換

一作換

臣三品恩出非常罔知所措

臣

以薄劣久忝班榮幸以地籍宗枝遂得位參卿寺常憂踰



分參於正名豈臣灰粉所能答効自殊私俯及宿疾頓除  
既承七命之貴更荷再生之澤才輕遇重以榮以憂又先  
承聖恩賜臣藥酒自蒙致療日覺痊平但以微虛未堪趨  
伏拜恩閭巷喜懼難勝馳心闕庭戰荷交集無任惶悚之  
至

代鄭相公謝賜戟狀

呂溫

門戟十二竿右今日中使某乙至臣私第奉宣聖旨賜臣  
前件戟者臣伏以國朝之制名器尤慎吏考三十始秩銀  
青戰勲十二乃號柱國必資具美方賜集作錫殊榮於是有  
命服以朝加戟于戶將勸勞而責實亦馭貴而崇名上無  
謬恩下不虛受臣迹非奇致擢自諸生先皇以庶謹賜知

密勿踰於一紀陛下以勤憂過聽委遇首於郡僚叨據樞

衡亟移星歲雷霆用武魯無犬馬之勞日月垂文豈有瑩

燭之助徒以待祠清廟拜舞集作詩鴻名累逢慶賚集作類驟

假勲秩禮異其數物盛其容新其閑闕賜之榮戟衡門燕

雀乍相賀於朱楹武庫龍蛇忽迫飛於陋巷焜燿當代寵

靈自天聚族知慙殺身匪報無任荷懼屏營之至謹奉狀

陳謝以聞

此篇五百八十三卷表門重出今已削去

謝官告狀

白居易

新授將仕郎守左拾遺翰林學士臣白居易

新授朝議郎守尚書庫部員外郎翰林學士雲騎



尉臣崔羣

右臣等伏奉恩制除前件官今日守謙奉宣進止特加慰諭并賜告身者聖慈曲被寵命猥加俯以拜恩跪而受賜舞蹈離次驚惶失圖伏以郎吏諫官古今所重位當辰集星象職在箴規皆須聞集問望清方行實端慤然後可以佐彌綸於草奏集味能正其詞盡獻納於芻言必直其節苟輕所選實忝厥官臣等學識庸虛才質愚懦自居近職忝冒已深况超擢榮班慙惶交至初授殊常之寵聞實若驚再思難報之恩感而欲泣唯當奮勵駑鈍補拾闕遺中誓赤誠上酬玄造俯伏愧畏集憂愧若無所容無任感恩競揚之至謹奉狀陳謝以聞

同前

前人

新授京兆府戶曹參軍翰林學士臣白居易

右伏奉恩制除臣前件官今日守謙奉宣聖旨特加慰諭

兼賜告身者俯集憊集拜恩怵惕受命戰越跼踏驚惶失

容蹈舞屏營不知所據臣叨居近職已涉四年自顧庸昧

無裨明聖塵忝歲久憂慙日深况於官祿之間豈敢有所

選擇但以位卑俸薄家貧親老養闕甘馨之費病乏藥石

之資人子之心有所不足昨蒙聖念雖許陳情敢望天慈

集恩集作集遷從所欲况前件官位望雖小俸料則集稍集優臣今

得之勝登貴位此皆皇集聖集作集明俯察玄造曲成念臣為子

之心集誠集作集賜臣及親之祿臣所以撫心知愧因事吐誠烏

文苑英華 卷一百一十五 尉臣崔羣 白居易 同前 前人 新授京兆府戶曹參軍翰林學士 白居易 右伏奉恩制除 臣前件官今日守謙奉宣聖旨特加慰諭 兼賜告身者俯 集憊 集拜恩怵惕受命戰越跼踏驚惶失 容蹈舞屏營不知所據 臣叨居近職已涉四年自顧庸昧 無裨明聖塵忝歲久憂慙日深况於官祿之間豈敢有所 選擇但以位卑俸薄家貧親老養闕甘馨之費病乏藥石 之資人子之心有所不足昨蒙聖念雖許陳情敢望天慈 集恩 集作 集遷從所欲况前件官位望雖小俸料則 集稍 集優臣今 得之勝登貴位此皆皇 集聖 集作 集明俯察玄造曲成念臣為子 之心 集誠 集作 集賜臣及親之祿臣所以撫心知愧因事吐誠烏



鳥私情得盡歡於展養犬馬微力誓效死以酬恩榮幸不止於一身感戴實深於萬品無任荷恩抃躍之至

謝恩賜告身衣服并借馬狀 元稹

右泰倫重晏至奉宣恩旨授臣前件官告身衣服疋帛及借馬者忽降天書乍乘雲驥頌衣煥日賁帛盈庭皆非朽陋之才宜受光揚之賜微臣無任抃躍慙惶之至况臣素守集作疎愚且集作無朋黨去年陛下擢於集作郎吏命掌書詞非因宰相奏論特是聖慈超授感恩深切頻獻封章遂遭分外侵誣不敢保全軀命豈謂恩光轉至睿澤逾深出自宸衷選居近地不試便令入院當日召見天顏口勅授官面賜章服授令承旨不顧班資近日寵榮無臣此

例發言感泣指日誓心苟無死節之誠願受鬼誅之禍伏奉恩旨令臣明日本司赴上舊例便合中謝伏緣先有疏論邊事及幽州事宜兼緣李愿入朝並要面自論奏伏料二十日入假已後南衙機務稍閑特乞天恩許臣中謝謹錄奏聞伏聽進止集作勅旨

為蕭相謝告身狀 前人

右中使某乙至奉宣進止賜臣某官告身一通者鳳銜真誥虬捧天書錦帙金牋霞明一作日照臣聞高宗命說乃申納誨之詞大舜相龍爰有聖讒之訓空書簡冊未煥繡緗豈集作如臣寵榮而集作足為喻慙惶增懼進退難安拜受恩光戰汗交集無任感戴殊私之至



又謝官狀

集作為蕭相讓官表

前人

此篇移入五百七十四卷表門姑存其目

代裴相公謝告身鞍馬狀

杜牧

右中使某至奉宣聖旨賜臣告身一通馬一疋并鞍轡臣生逢盛代竊位巖廊奉告令之詔書丹青之雨露猶濕賜

集作錫

代勞之駿馬內棧之風雲尚隨寶軸煥絲綸之言逸

足騁拳竒之態螢光燭火何裨日月之明弱質孤根但荷乾坤之德殺身寧報撫已知慙無任感恩抃躍懇悃之至

為侍郎汝南公華州謝加偕狀

李商隱

右臣伏奉今日某日制書加賜臣階朝散大夫者榮從日下恩自天中臣聞周室設官實重大夫之號漢臣異禮則

加朝散

集作請

之名若臣者辦乏談天文非擲地貪叨華顯

綿歷光陰當陛下御極之初分陛下憂人之寄金章紫綬已塵求瘼之榮崇級清階更竊昇高之望循揣斯久怔忡莫寧唯當勤奉詔條所希粗贖官謗誠深感勵情切違離犬戀主而空深蚊負山而何力無任感恩望闕結戀屏營之至

謝譴讓狀

李嶠

臣特蒙天慈擢在樞近恩私屢及寵命頻加粉骨糜軀雖久誓於心府纖埃滴水竟無補於川岳是用晨宵載惕啓處增慙素自庸愚加以疾疹心緒遺忘耳目昏沉實恐虛曠天工傾敗鼎餗伏思大臣引咎之義輒露微軀陳力之



請豈敢避執掌之職就優游之閑臣每思古人竊仰遺事  
充國則卧而陳策子囊則死不忘忠臣日念妨賢其從屏  
退敬竭芻蕘之議庶裨日月之明所以因欲辭違昧冒陳  
上智愚庸短自速憊尤伏奉綸言俯垂恠責心膽飛越五  
情無厝跼天踏地伏待刑科死罪死罪無任戰懼之至謹  
詣明福門奉狀陳謝以聞

奉謝口勅放三司推問狀

杜甫

右臣甫智識淺昧向所論事涉近激訐違迕集作忤聖旨即  
下有司具已舉劾其從自棄就戮為幸今日已時中書侍  
郎平章事張鎬奉宣口勅宜放推問知臣愚憊集作慙捨臣  
萬死曲成恩造再賜骸骨臣甫誠頑誠蔽死罪死罪臣比

集作以

陷身賊庭憤惋成疾實從間道獲面

集作謁

龍顏猥進

未除愁痛難過猥厠衮職願少裨補竊見房瑄以宰相子  
少自樹立晚為醇儒有大臣體時論許瑄必位至公輔康  
濟元元陛下果委以樞密衆望甚允觀瑄之伏集作深念主  
憂義形於色况畫一保大其素所蓄積者已而瑄性失於  
簡酷嗜鼓琴董庭蘭今之琴工遊瑄門下有日貧病之老  
依倚為非瑄之愛惜人情一至集有於字玷汚臣不自度量歎  
其功名未垂而志氣剡劔覬望陛下棄細錄大所以冒死  
稱述何思慮未集作始竟闕於再三陛下貸以仁慈憐其懇  
到不書狃狃之罪集作過復解網羅之急是古之深容直臣  
勸勉來者之意天下幸甚天下幸甚豈小臣獨蒙全軀就



列待罪而已無任先懼後喜之至謹詣閣門進狀奉謝以聞謹進

為濮陽公謝罰俸狀

李商隱

右臣伏準御史臺牒奉恩旨以臣不先覺察妖賊賀蘭進興等宜罰兩月俸料者伏以霧市微妖潢池小寇有垂先覺上黷宸聰昔漢以捕集作通盜不嚴猶加黜削晉以發姦無狀亦峻科條豈若皇帝陛下恩極好生德集作仁唯宥過與其漏網止以罰金臣與僚屬等無任戴恩宥罪屏營之至

文苑英華卷第六百二十八

文苑英華卷第六百二十九

狀二

謝恩二

謝弟授官狀四首

謝兄加恩狀二首

為子謝恩狀九首

謝賜母國號狀一首

謝除副使等狀一首

謝賜將士等物狀五首

謝兩弟移官就養狀

張九齡

右臣兩弟蒙恩移官就養老母感戴殊澤戰荷兼深臣山數陋材豈堪國用日月私照謬掌綸官大馬以地近見矜為鳥以情至蒙福曲承孝理之賜莫知報效之所無任悚

躍集作懼荷恩之至

讓兩弟起復授官狀

前人



右臣昨以兩弟身名狀涉隱冒家且未正焉能正人所以  
 陳露奏聞誠欲自律今日高力士宣勅令與兩弟京官慈  
 旨優柔感深骨髓微臣何有叨此殊恩但臣自罹災殃集  
殃纔踰年序忝承重任不敢顧私而鞠育之恩終懷罔極  
 几筵在遠莫酬不親唯有兩弟在家獲申情紀今若恭承  
 恩命盡在墨綬將以集何顏可偷此集責陛下每弘  
 教義必先名節豈於愚臣不集少矜憫若使九臯等獲  
 免罪戾幸無削除在臣闔門已霑殊澤更令授職俱遠哀  
 次於臣私情實所不忍然於朝議必多集喧黷乞寢恩  
集命俯亮愚衷冀無玷大猷豈敢自遂而已不勝哀荷  
 戰懼之至此是讓狀緣次箱謝  
弟授官故英華併入

謝兩弟授官狀

前人

右臣伏奉昨二十日恩命授臣第九臯殿中丞集九  
 章太子司議即臣私門積疊殃罰如昨日月逾邁禮及外  
 除第九臯等如臣常材集比伏集哀疚瞻望未逮  
 縞素集猶存非常之恩一朝揔集慙惶哽咽罔識言次  
 不知微命餘生何以上答集天造載悲載躍集五情  
 飛越不勝感戴戰悚之至

為令狐相國謝迴一子官與弟狀 元稹

右臣奉某月日勅以所賜臣一子官迴與臣弟定授六  
迴授官京兆府藍田縣尉者寵過憂深集恩殊感極妨  
 惶自顧悚惕難居臣本實凡愚集猥當重任雖星辰軌



道幸屬聖時歲月環周實妨賢路未蒙罪退益自慙惶豈謂庸集作天慈仍加溼澤特降推恩之命曲成友愛之私九族生光百身集作年何報况藍山集作田美邑黃綬清流旋觀井井之趨倍慶怡怡之樂手足交抃形影相輝空鏤肝心難酬雨露無任抃躍感恩之至

為晉公謝兄林宗為太僕卿狀 苑咸

右臣伏承今日恩制除臣兄太常少卿林宗為太僕卿明命自天惶忭一作作無地臣兄每私門誓約公道為心務竭忠勤敢踰涯分豈謂陛下降中旨之詔假望外之恩拔自奉常正於群僕臣又居宰輔職忝進賢考盤之詩未能息詠葛藟之蔭先及本根溼澤既重於丘山光輝復聯於花

萼一門為幸九死何酬無任感戴惶悚之至

為晉公李林甫謝賜兄衣服狀 前人

右臣一作今月某日中使郭全羽至奉宣聖一作旨賜一作兄太

僕卿林宗紫衣一副并犀角集作帶及金魚袋恩出常倫

一作榮超望表闔門捧戴喜懼失圖臣少遭閔凶早違怙

恃兄弟素少形影相依幸遇休明俱霑官序且一身叨竊

謬踐一作台衡闔門寵榮皆承天覆恩獎所及始望已過

但兄林宗年力稍一作侵近嬰風疾常恐溘先朝露不報

前期一作豈謂庸渥特深鴻私曲被河海重寄已叨集作

命卿之榮章印崇班更承綬一作服之賜慶流公族光照

私門雖喜鶴鳴一作之詩終懼維鷁之刺無任喜懼感佩



之至

此篇五百九十二卷表門重出前已削去注異同為

一作

為晉公謝

疑作讓

男五品官狀

前人

右臣今日曲蒙聖恩處分仙客令與臣男岫五品并授外  
即愚誠懇辭天鑒不察仙客承旨又已進官憂懼失圖不  
知死所臣幸承天蔭特荷殊榮無補消塵常覩面目至如  
邊城克捷狂寇肅清皆睿略玄通聖謀獨斷臣之遙統但  
有空名敢冒天功而為已力虛承厚委深是曠官况在頑  
童何議延賞假使天慈善誘宸睠曲臨變其服章已深榮  
幸更塵清獎何以自安且郎官之任朝廷俊選無人則缺  
不可虛授臣男岫性資愚戇無所能為臣實知之非為矯  
飾儻謬踐華省深累聖朝必負黃童之才豈憚初奚之舉  
知其不可敢乞收恩制命未行猶祈更寢無任懇款之至  
謹冒死陳請以聞

代王尚書謝一子官狀二首

王仲周

右臣素乏器能謬司方鎮敗公之責夙夜惟憂延世之榮  
雨露覃及顧老臣以增懼念童子以何知恩私忽臨負荷  
無力不勝感恩惶恐屏營之至

二

臣某言伏見某月日制除臣男憑御史中丞捧讀綸音驚  
慙無據臣頃戰伐河北男亦隨身救援李忠頓軍易定屬



文苑英華 卷一百一十五  
陛下遷幸聞及河南臣留與論婚娶然得引軍關右堅保  
渭橋承筭略於皇明摧兇醜於都邑事關聖運功匪衆人  
陛下特以微功錄其小子年未登於弱冠官已及於中司  
若以忠孝而升且無徃例若由臣 授是紊國章臣初  
沐殊私即將陳讓但緣李忠在外方遏寇戎已行之恩難  
可追止柔遠之體或要順從勉承不次之榮益荷無窮之  
惠君親垂施並居踰等之官父子同心各獲捐軀之地不  
勝感荷屏營之至

爲人作謝子恩賜狀五首

令狐楚

右臣得進奏院狀報中和日伏蒙天恩賜臣男公敏內宴  
并賜前件綾羅三十疋銀碗一者臣伏以桃花始開莫羨  
初吐陛下式崇佳節以慶仲春舞八卦於廣庭陳四詩於  
別殿道光在鎬義冠濟汾蓋所以勞徠勲贊昭明慈惠男  
公敏年方童幼智之老成何殊一芥之微忽宴九天之上  
乳口而食嘗鼎食青襟而陪列朝班越次之恩已深逾涯  
之賜仍及色絲成疋爛盈其箱篋白金爲噐皎映於盃盤  
澤流而九族皆榮信至而萬夫相慶生子如父無功則同  
知臣者君報德何日徘徊官次喜懼交并戎守有限不獲  
陳謝無任感恩結戀屏營之至

二

右臣得男公敏狀今月十八日中使王希朝到院奉宣聖  
旨緣臣男患耳賜絹一百疋以充藥直并遣醫人劉江診



療者臣自受國恩已更歲序其於功績絲髮未伸夙夜憂  
競不知所處男公敏昨緣耳疾今赴上都素乏義方未能  
典竭豈意陛下惻隱之德俯加于織芥敦睦之慈旁流于  
枝葉殊恩猥及溼澤曲臨特降醫工厚霑藥直雜犢之疾  
料即痊除君親之恩何可報效榮光燭於府舍喜氣溢乎  
閨門恩深命輕繼以感泣戎役有限未獲躬詣闕庭陳謝  
不勝感戴

三

右臣得進奏官趙履溫狀報中使姚文崇到院奉宣進旨  
賜臣男公敏冬至節料羊酒麪等伏以愚臣在邊賤等蟻  
蟻弱子蕪疾微如塵埃豈意陛下施惠必均推恩皆及屬  
登臺以望之日降其出如綸之言錫香醪而蒲壺頒肥粢  
以盈几伏自惟念不勝所蒙一門驚莫大之榮百衆賀非  
常之慶未知報效空積慙惶日月高明照臣忠懇所守有  
限未獲躬詣闕庭陳謝不勝感戴戀結之至

四

右臣得進奏院狀報前月二十九日中使某至奉宣進旨  
賜臣男公敏歲料羊酒麪等臣自領北藩于今五稔曾無  
明略以奉大猷孤直愚忠未足報陛下萬分之一男公敏  
伏緣醫療勤赴京都尚未平除爰逢歲節豈意翮蛭微物  
飛舞於東風霍靡輕生霑濡於春雨降少年而頒賜迂中  
貴以宣傳麪起玉塵酒含瓊液鼯鼠飲河之腹聞以蒲盈



老牛舐犢之心喜無終極深恩似海弘覆如天寧唯感激  
一門實亦光明九族何階報答終日慙惶空將許國之身  
誓竭在邊之力所守有限不獲陳謝無任感恩抃躍之至

五

右臣得進奏院狀報二月二十九日中使某至奉宣進旨  
賜臣男公敏寒食節料羊酒麵等至二十一日中使某又  
宣賜麥粥餅餤者臣伏以天地之恩所加斯厚君臣之義  
有感則深臣自守近藩曾無薄效緣恩處義以月繫年男  
公敏未識憲章獲參班序每因令節又沐殊私班首之羊  
委其全體擢芒之麥散以輕塵粥既擬於瓊膏餤有同於  
萍實出爲寵錫皆申上帝之心食以充盈莫匪小人之腹  
滄毫未展饗養已頻常懷覆餗之憂有忝分井之施苟仁  
之逮下微物敢讓於生成如澤或因臣瑣質何堪於負荷  
官守有限不獲陳謝無任感恩抃躍之至

同前

右臣得進奏院狀報今月九日中使李朝誠到院奉宣進  
旨賜前件節料麵肉等次十日中使徐智嚴奉宣聖旨又  
賜麥粥餅餤者寵榮便繁錫賚稠疊或陳於廊廡或貯在  
罇壺酒可駕車麵疑經市而况屑杏實以爲粥味甜於蜜  
卷牛肉以成餤規大於拳皆出御厨無非仙饌面墻之目  
未曾窺見含糗之口忽此捧嘗恩逾涯分榮冠倫列在微  
臣而過幸日益憂競念小子之何知無由答效身輕施重



負荷難勝所守有限不獲陳謝無任抃躍之至

為蕭相謝賜大夫人國號告身狀 元稹

恩賜臣母國號告身一通右今月日某乙奉宣恩旨賜臣  
母前件告身恩光灼耀捧戴兢兢惶對揚天休無任戰越臣  
家傳儒素母實劬勞每織履以資臣宦遊嘗斷織以勉臣  
師學念臣庸昧本望非高所希捧檄之榮敢萌集作思開國  
之慶陛下恩加望外簡自宸衷石窠封疆已光於萬葉葉  
珠文字重降於九重朝野謂之殊私宗族以集作為之榮光  
臣及臣母以抃以歡誓將齋戒洗心永奉真人之誥緘騰  
在筭深藏大帝集作太常之符寶過金籙瑞同鵠印蓼蕭知感  
雨露難酌無任抃躍競懼集作戴恩之至

為榮陽公謝除盧副使等官狀 李商隱

新授某官盧戡 新授某官任繕

右臣得進奏官某狀報臣所奏盧某等二人奉某月日勅  
旨賜授前件官充職者臣謬當庶印合啓幕庭撫魚單以  
興懷懼殺皮之廢禮盧戡與臣同年登第少日論交學富  
文雄氣孤志逸玉清越而為樂女舒退集作脫以求媒實懷  
難進之規不起後時之歎任繕幼學孝悌潔淨精微得君  
子之時中友鄉人之善者匪因請托實自諳知皇帝陛下  
俯照遠藩咸加命秩南臺貼職延閣分班使戡有紆朱之  
榮繕無衣白之見已經聖鑒可謂國華冀收規畫之功共  
奉澄清之寄不任感恩荷聖集作得賢之至



為人作謝防秋廻賜將士等物狀 令狐楚

右件將士中使朱孝誠監領某月日平安到太原其賞物並勅給付訖臣伏以受命以行人臣之節斯著及期而代君父之仁已深陛下愛育武夫綏懷猛士采薇遣戍旣霽挾纊之恩出車勞旋又有分鱣之澤終識家而競入俄拜賜以嵩呼盡忘征役之勞固感生成之德况臣叨居將帥獲沐恩波所守有限不獲陳謝

為人作謝賜行營將士足段并設料等物狀

前人

右臣得行營兵馬使李黯狀報伏蒙聖恩賜前件足段設料者伏以懷生之類莫匪王臣有事之時唯聽君命令者

天誅小醜恩施群雄豈謂偏裨皆蒙賜賚需以飲食比肩而膚革充盈賁於束帛連袂而衣裳華楚空知飽德何以勝恩競堅摩壘之心爭竭拘原之力臣叨居將帥誓掃寇仇感戴屏營倍萬恒品

為人作謝賜行營將士襖子及弓弩狀 前人

右臣得兵馬使李黯狀伏蒙聖恩賜前件物等者伏以征賊未平偏師在遠臣並全支器械厚給衣裝陛下念以戰爭矜其寒苦特頒星使猥降天波衣絮八蠶之絲暖如狐腋弓纏九牛之角勁若烏號頒及連營來從國府遙知被服皆不憚於兵鋒緬想操張盡一作將穿於虜骨歡聲感動勇氣蒸騰信山嶽之可移豈妖氛之足滅臣名叨將帥



志掃寇讐沐恩澤而空深效勤勞而尚淺誓將忠懇以勵  
駭惟所守有限不獲陳謝

爲人謝賜天德防秋將士綿

一作馳下同

綃狀 前人

右臣今月七日中使朱孝誠至伏奉詔書兼宣恩旨賜前  
件綿綃等臣伏以武夫之用職在防虞壯士之心樂從征  
役陛下仁慈廣被渥澤旁流諭以功名賜之綿帛荷殊私  
而東拜悉有兼衣賈餘勇而西行若無遠道同將日力共  
振天聲臣猥守藩隅叨居將帥欣榮感戴實百恒情

爲人謝賜將軍官告狀

前人

右臣中使朱孝誠至伏奉詔命慰問臣并宣慰旨允臣所  
奏當使諸將官賜前件告身者寵命從天榮光溢路謹呼

感戴皆不自勝臣素是懦愚叨居上將微誠空竭薄效未  
伸伏蒙陛下曲降天波俯加王澤華資清秩周及於百夫  
喜氣謹聲喧傳於一道家燕寶軸人受綸言三軍驚非次  
之榮萬井賀殊情之慶誓將苦節上答明恩謹准勅捧受  
分給訖臣與諸將等限以所守不獲詣闕陳謝無任抃躍  
之至



文苑英華卷第六百三十

狀三

謝恩三

謝勅書手詔狀一首

謝中使招撫狀一首

奏廣州結好使事由奉詔書謝恩狀一首

謝宣慰等狀七首

謝御札狀一首

謝賜藥狀一首

謝臘日賜藥等狀一首

謝賜藥金盞狀一首

謝賜藥金狀一首

謝賜神刀令令狀二首

謝醫藥狀二首

謝問疾狀一首

謝賜紅雪等狀一首

謝勅書手詔八

常袞

右今月十一日中使劉心玉至奉宣慰命賜臣前件書詔



臣謬忝防虞未申戎効寄分庶察又乏吏能尸素實深咎責難逭聖慈以貧瘁渥累霑俯降天書兼賜墨詔辱詞寵飾曾無毫髮之勞宸旨密臨特受腹心之寄自驚朽骨遠被殊恩捧承戰悚跪踴躍驚蹇之力過負已多鴻私未酬慙懼彌積軍州同惠澤溥將慰勉載加感悅交集無任抃躍惶悚之至

為王大夫謝中使招撫狀

崔行先

臣某言頃者元誼等擅固城公池有違詔命臣出師野次持守經年以水攻圍俟其離繯又誓殲克叛以靜方隅伏以陛下至德至仁好生惡殺恐生人理死不忍誅夷特令中使就此招撫今洛州收復閭井安安此皆天威光被神武底定

顧惟愚陋載荷鴻私不勝感戴踴躍之至

奏廣州結好使事由中奉詔書謝恩狀 裴次元

右臣伏奉某月日手詔令臣速具前件官本末事由聞奏臣去月日謹具某官歸本道事以聞某月日奏官至伏奉某月日手詔所奏某官尋赴廣州事宜具詳本末想宜知悉者臣伏以綸綍下於紫微日明命光於滄海榮深感極寵洽心驚周章失圖歉吻交隸顧臣鄙劣忝寄藩維無補消埃累更涼燠矧茲地遠敢望恩加日月照臨之明無幽不燭乾坤生成之德在物吳遺豈期奏報常儀特降詔書慰撫事逾等列喜萬恒情伏以軒墀一遠歲序三變謬職愧深於星瑄荷恩思拜於彤庭厠清列于班行裁冠劔而何



文苑英華 卷一百一十五  
目守炎荒之遐服其瘴癘以嬰身懷死節之丹誠願生還於絳闕每承存諭之命更切攀戀之心臣不勝感恩歡躍屏營之至

爲人謝宣慰狀

令狐楚

右監軍李輔光廻伏奉勅書手詔宣慰臣及參佐將校官吏等者臣竊位大藩連榮近屬戴山之力雖竭橫草之功未聞寢興以思憂愧若厲伏惟陛下日明于上子育其人降玉筯之天書遣銀璫之星使宸心照育下浹於將校慈旨丁寧旁霑於掾吏謹呼之聲雷動舞抃之袖雲翻榮光併臨愁疾如失不勝歡喜感戴之至

謝勅書手詔慰問狀

前人

右監軍使李輔光廻伏奉勅書手詔慰問臣及將士等者臣自守大藩未申微効每承渥澤實所慙惶今者伏蒙陛下弘覆幬之仁與天爲大廣照臨之意如日斯升特遣王人復還使府捧絲綸之明詔光寵賤微吐汗漫之溫言霑濡群萃浮空而喜氣成霧動地而歡聲若雷空知受恩何以勝德所守有限不獲陳謝無任感戴之至

謝口勅慰問狀

前人

右中使孟昇進至伏奉口勅慰問臣及將士等臣素非公才叨總戎律清平無事績用未彰伏惟陛下子惠兆人天成萬物降星分之使宣綸出之言問以炎涼勉其勞役恩踰素望榮冠常倫跪聽謹呼衆心如一臣等不勝感戴之



至

謝宣慰狀

前人

右監軍使某廼伏奉勅書手詔兼宣恩旨慰問臣及將士等伏以天地大鈞固無私於覆載豚魚微類皆有荷於生成臣實庸虛叨膺獎用至於師人輯睦封略又安皆稟廟謀無非宸筭豈意天慈廣被聖眷旁流歸復監臨昭宣慰撫爲膏之雨泛洒於編人如綍之言傳聞於列校驩生衆口感結群心同守節以戴天各輸忠而報國臣與將士等不勝感恩抃躍之至

謝勅書手詔慰問狀

前人

右某月日中使某至伏奉勅書手詔慰問臣及將士叅佐等并賜臣官告旌節兼宣口勅授臣節制者臣伏以聖澤汪洋高卑盡蒲皇明照耀微細不遺內愧鎖材上煩慈旨朝聞夕惕豈復遑寧夜思晝行不敢失墜今者三軍輯睦萬井歡康皆憑天威盡出宸筭慙將孱劣虛受恩榮某月日已差衙官某奉表陳謝訖無任感戴之至

謝宣慰諸州軍鎮等狀

前人

右中使至伏奉某月日詔書令中使宣慰諸州刺史外鎮將士等令臣亦使人安撫者臣準詔差虜候張液隨中使某所在存問以某月日却到太原伏以設官分職邦國之恒規秉義納忠人臣之素分伏惟皇帝陛下嘉其奉上念以守邊降驛騎於九重諭天心於萬里法南風之長養豈



擇卑微並白日之照臨不遺遐遠邊城將校井里黎人競  
鼓舞於皇明盡沾濡於聖澤室家相慶關塞無虞臣忝守  
戎旃不任忻抃之至

爲崔仲孫弟謝手詔狀

前人

右中使尹偕至伏奉手詔慰問臣等伏以聖澤均霑天光  
下燭欣榮感戴不勝自任臣生代未諧遭家不造嬰孩之  
日長養於外家童冠之年因依于伯姊容身寄食以至于  
今李說念臣以密親署臣以散職誓將裨補義不依違誠  
意莫申大期俄迫今者獲成安泰仰荷聖明豈期特降恩  
波深蒙慰撫昆蟲賤命不可以戴天葵藿微心空知其向  
日親踈共感存歿同榮無任感恩抃躍之至

謝御札狀

元稹

御札二十三字右秦倫重晏至宣賜臣前件御札其中聖  
旨云鎮州逆亂枉害忠良若與元冀鎮州節度便集作是

捨賊之門者伏以睿筭若神聖慈猶父視兇狡之構亂義  
在克清念台輔之銜究期於必報此蓋仁深天地勇過雷

霆臣實庸愚難議窺測况臣謨集作謀猷失次罪戾是憂宸

翰忽臨天章煥發舞鳳廻翔於懷抱飛龍顧盼於縑緗豈  
獨傳之子孫便合鏤於飢骨微臣無任踴躍光榮之至

謝賜藥狀集作表

張說

右內使陳忠盛宣旨賜臣痢藥臣攝生無方自貽疾疢聖  
慈矜憫垂恩救護氣衰力憊忽吞未命之符腸滑胃虛更



服集作返寬之草蒙天營祐集作指日痊平雖萬粉灰何

酬造化謹附忠盛奉狀陳謝以聞

謝勅賜藥狀

張九齡

右高力士奉宣恩旨賜臣等鹿角膠丸及駐年面脂有命自天感戴並至臣等涓滴無補渥澤日深多謝股肱之良每慙智力之効徒承聖恩同體之義更霑御藥駐年之賜事絕希幸禮優常遇微軀賤貌因殊集作大而造而載延捧日承天荷曲成而靡集作無極無任悚戴之至

為晉公謝臘日賜藥等狀

苑咸

右昨晚內使曹侍仙至奉宣聖旨賜臣臘日所合通中散駐顏面脂及鈿合并吃力伽丸白黑蒺藜煎楷齒藥等通

夜入賜粳米一百石麵二十袋適中使楊元新至又賜鱖

鱖魚魴魚鮭魚等仍便令膳造伏以嘉平舊節鍊藥良辰

錫靈仙之秘方均雨露之殊澤金膏玉散駐齒髮於衰容

瑞麴香粳頓豐盈於私廩况鯀魚魴鮭等降自天厨中使

炮烹皆承聖法不資椒桂之力備適鹽梅之味臣竊位歲

久叨榮日深調攝之功未施於毫髮登俎之美屢浹於恩

波徒荷生成何酬造化無任稠疊咸戴之至

謝賜藥金盞等物狀

前人

右內給事袁思藝奉宣聖旨賜臣藥金盞一匙并叅花密餘其煎及平晚合二兼令中使輔朝俊親授昨所賜金方法者伏以聖澤無涯已沐九天之施真方不秘更示八公



之法王人俯及寶器仍頒自昔名臣近代良佐雖功業攸著或不承此賜况臣才不逮古雨露之澤逾深任重當時消塵之效無補仰瞻玄造上答何階無任感戴之至

謝賜藥金狀

前人

右內給事袁思藝至奉宣聖旨賜臣江東成金二挺若服之後深有補益兼延駐者伏以仙方所秘靈藥稱珍必候休明之辰上益無疆之壽不意俯廻天眷念及微臣賜九轉之金駐百年之命且螻蟻賤質豈能長固蒲柳易朽常慮先凋竊荷生成之恩寧酬造化之德澤如河海空欣羽翼之期寵若丘山何伸灰粉之謝不任忻抃之至

謝賜神刀食金等狀

鄭綱

右今日中使某至奉某月日墨詔賜臣前件神刀及食金五挺并合子鎖等臣遠赴藩鎮上軫聖憂俯降王人特頒寵賜暢威懷於遠服佩以神刀矜微劣之庸軀賜之靈藥捧受戰越以忭以驚臣即以今日發藍田縣關庭漸遠道里猶長瞻望天顏感涕交集無任戴荷結戀之極

謝賜手詔兼神刀藥金狀

孔戣

右中使某至伏奉墨詔并賜藥金一合神刀等俯循陋質仰戴殊私渤澥無比其深山嶽無方其重臣篳門賤品環堵諸生乏禦侮之籌謀罕濟時之方略而因緣官學塵丕班行效無可稱事每逾量聖慈過聽擢領藩方祇命戒途不敢陳讓省躬撫事益懼非才今又特降王人遠臨郊甸



寶刀出於武庫上藥本於金精足以蠲除疫癘激發忠勇  
顧惟孱懦承此寶光捐軀盡節豈足為報無任感戀懇款  
之至

為人謝問疾兼賜醫藥等狀 令狐楚

右今月十八日本道監軍使李某至奉宣口勅問臣所疾  
十九日中使張良祐至伏奉詔書賜臣烏藥蓼子各一合  
藥方兩紙并借供奉醫官兩人醫臣疾者臣素是凡庸猥  
當朝寄暫乖將息特軫聖慈綸出王言朝昏不絕星馳驛  
騎道路相望頒仙藥于雲中降神醫於天上仰承榮寵冀  
即痊平競惶失圖感戴無地蒲柳之心猶壯誓竭丹誠狗  
馬之齒更長敢忘玄造臣見準詔書與醫人商量服飲未  
及塗藥將息腫氣已退煩熱未定所守有限不獲陳謝無  
任感恩結戀之至

為人謝詔書問疾兼賜藥方等狀 前人

右臣奏事官高榮朝迴伏奉墨詔問臣所疾并奉宣口勅  
賜臣藥方者臣疲馬疑作之質寒熱所侵仰憑天慈今日  
已損豈意猶煩睿想尚軫聖衷特降千金一作之方兼飛  
五色之詔榮光一燭愁疾如遺誓畢微生以酬殊造無任  
感戴之至

為人謝問疾狀 前人

右監軍使李輔光迴奉宣口勅問所疾者臣頃因時早疾  
以憂生仰蒙覆育尋就痊除伏以君恩過厚天聽至卑縷



文苑英華卷第六百三十一  
形於詞如撫以手顧慙微細特繫於宸衷內省疲羸尚關  
於睿想榮深益懼喜極而悲當望雙闕以注心守一隅而  
盡力不勝感結抃躍之至

為令狐相公謝賜金石凌紅雪狀 元稹

恩賜金石凌紅雪各一兩右中使竇千乘至奉宣進旨以  
臣將赴山陵時屬炎暑賜臣前件紅雪等臣職司復土戀  
切攀髯方當匍匐而前敢有赫曦之懼豈謂天光下濟靈  
藥旁霑念臣有丹赤之愚故賜臣以染心之物察臣有木  
訥之性故賜臣以苦口之滋就日凝不冶之清冰在合若  
遇圓之絳雪恩加望外感極成悲集作愚無任跼蹐屏營之  
至 文苑英華卷第六百三十一

文苑英華卷第六百三十一

謝恩四

壽昌節謝酒食狀一首

嘉會節宰相謝酒食狀一首

中和節謝賜尺狀一首 清明謝賜火狀一首

為人端午謝賜物等狀四首

社日謝賜羊酒海味及茶等狀一首

重九謝賜餠酒等狀一首

臘日謝賜物狀一首

壽昌節謝酒食集作茶酒狀宣宗生日

杜牧

右臣某等言伏以大慶吉辰榮霑錫宴鴻恩繼至王人荐



臨旨酒名肴集作茶玉食仙果來於御府莫匪天慈適口忘憂已滿小人之腹殺身粉骨難酬聖主之恩臣無任感恩抃躍之至

嘉會節宰相謝酒食狀昭宗生日 錢翊

右伏以香火至誠祝後天於萬歲絃匏飾喜會率土於三春敢望宸衷恩隆輔弼王人迺一作降寵錫爰加酒醞既陳炮燔兼至名茶馥郁嘉果駢羅嘗珍而食指先驚敢忘盈滿竊位而憂心已醉寧待獻酬仰望睿慈臣某等無任兢感懼抃屏營之至

中和節謝賜尺狀 白居易

右今日奉宣賜臣等前件紅牙銀寸尺各一者伏以中和

戒集作節慶賜申恩堂晝夜平分之時頒度董合同之令况以紅牙為尺白金集作銀為寸美而有度煥以相宣逮下明忖度之心為上表裁成之德慶澤所及歡心畢同臣等塵忝日深寵錫歲至雖恩光下濟咫尺之顏不遠而尸素內慙分寸之功未効捧受愧畏倍萬恒情謹具奏聞謹奏

清明謝賜火狀 前人

右今日高品官唐國珍就宅宣旨賜臣新火者伏以節遇藏煙時當改火助和氣以發滯表皇明而燭幽臣顧以賤微荷茲榮耀就賜而照臨第宅聚觀而光動里閭降實自天非因榆柳之燧仰之如日空傾葵藿之心徒奉恩輝豈勝欣戴



為人謝端午賜物等狀

令狐楚

右中使王進卿至伏奉詔書慰問臣兼宣恩旨賜臣及諸將衣弁百索銀器等者臣伏以夏之爲仁寔由乎長養王者所寶莫重於賢能故事將錫長年皆於今月因頒珍翫遐及庶方誠上帝之殊私信天朝之盛典臣才無所取政不足稱獲守司存已爲尸忝豈意九天之慶賜每歲必來五日之祥期一作棋祥無年不受衣裳霧疊詔書雲繁篋中盈綵絲之索案上蒲真金之器方圓通用紅紫交光命輕而服拜難勝身賤而鋪塵不藉以榮爲懼當喜而憂終無補於成功空有慙於僭賞並准勅奉受兼分給諸將訖所守有限不獲陳謝

爲安平公謝端午賜物狀

李商隱

右今月某日中使某至奉宣恩旨賜臣手詔一通兼前件端午紫衣銀器百索并大將衣者乾文昭融睿賜稠疊恩生望外榮積懼中臣已當時宣布給散訖伏以正陽令月端午佳辰渥澤合止於勳賢錫賚宜先於戚屬臣遠臨東魯久去上京豈望仁時同躋壽域八行明詔伏讀而不啻千鈞一襲輕衣跪捧而若無三伏况又綵縷出仙蠶之質貞金凝姪女之魂持可戒盈帶堪延筭豈微臣獨忝在列校不遺華楚成行永願千春而奉聖綿長共保常期五日以霑恩臣與大將等無任感激懇悃之至

爲滎陽公端午謝賜物狀

前人



右中使其至奉宣恩旨賜臣端午紫衣一副百索一軸銀

器二事大將衣三副并賜臣手詔一通者伏以五神定位

祝融司長養之功六律鈞和蕤賓有酌酢之義故節推戴

禮日著漢儀彼艾人遠具於歲時角黍近標於風土乃者

舊傳聞之末亦集作是君親慶賜之原伏惟皇帝陛下克協

樂章允符時訓恩集作仁霑近戚惠浹元僚臣守介蠻圻程

遥鳳闕敢希瘴嶠特降乾文輕縞染衣真金備器海綃掩

麗渠盈藏珍拜受若驚跪捧如失嘗衣國僑之紵被服多

慙又携顏氏之瓢捧持未慣當晝而不假交扇向日而唯

宜飲冰况又將以綵絲紫諸畫軸用襍故烝蕪續收齡爰

自微臣頗流諸校鞠躬被寵全踰錫帶之榮觀物傳輝實

動請纓之思唯當仰承帝力粗舉藩條誓相率於明時庶

同登於壽域臣與大將等無任望闕感恩抃舞屏營之至

謝賜端午衣物狀

張次宗

右伏以中暑良時沐蘭令節王人乘驛初降於九霄內府

頒衣遽霑於千里臣忝膺寄任未展消埃節候每移尸曠

增懼陛下殊私荐及寵賜不忘天書觀經緯之文麗服見

裁縫之妙捧其珍玩價重於兼金賜以綵絲恩深於延筭

况寵周將校問及偏裨爭馳就日之誠益勵酌恩之節

杜日謝賜羊酒海味及茶等狀 常袞

右中使其至伏蒙聖慈賜前件羊酒等臣謬塵重任已積

歲時日有餐錢月受高俸過蒙温飮常愧有餘內省謀猷



實慙不足益彰尸忝深誠滿盈屬上戊御辰勞農報社賜  
兼海陸品極珍鮮上減御殮一作下豐私室何功而受承  
寵若驚惶恐拜恩戰懼交集無任戴荷欣抃之至

重九謝賜餼酒等狀

前人

右中使劉君壽等至伏奉恩命賜臣前件餼酒等仍令樂  
飲者伏以玄月戒時清風應律宜於長久欣聖祚之壽昌  
復見芳華喜陽數之重合時恩忽降節賜荐加王人寵臨  
御膳分旨膏以粉餌蒸以糖餠綠芋金芽紫蔗筠節茱萸  
清酒嘗聞舊俗之傳蕙苾調腸今覩靈珍之味此饗人苑  
更上獻嘉辰豈伊凡品微生下霑殊貺賜宴既聯於伯仲  
覃恩更及於室家稠疊寵光低迴殞越一門同慶萬死何

酬

臘日謝賜口脂曆日狀

鄭綱

伏以王人戾止天書遠降於閩川星躔既回冀曆猥頒於  
遐服推步允符於聖祚先天克合於歲功三百六旬斯頌  
而咸覩二十四氣瞬息而可知一作又賜以蘭膏錫之絳  
雪象香流澤芳潤忽光於悴容五藥蠲痼瘴癘潛銷於腠  
理仰榮知忝承寵益驚闔闔九門歲時結戀於雙闕方隅  
萬里展効期激於丹誠敷惠未洽於遠人拜賜濫同於重  
鎮觀風察俗志有立於消塵比物省躬恩何酌於覆載臣  
某不勝歡躍屏營之至

爲昭義李相公謝賜臘日口脂狀 崔行先



右中使某至伏奉勅書墨詔緣大禮後慰問臣及將士官  
吏等又緣近臘日便賜臣前件藥物臣謬履鈞衡守茲戎  
鎮星霜屢改渥澤逾深內悚外慙不知所措文明啓運殷  
荐告成郊廟展嚴禋之儀蒸黎洽時雍之化大宥五刑之  
典廣霑萬物之恩自天有慶與人更始臣名器俱忝宸睞  
曲臨節近嘉平恩延寵錫香膏凝潤於寶器上藥秘重於  
仙方澤變衰顏不知老之將至光生備質空驚疾乃有瘳  
祇奉舊章式披新曆想天長而地久看日往而月來無任  
云

云

臘日謝賜口脂紅雪等狀

前人

右中使某至伏奉手詔慰問臣及將士等又緣臘日賜臣

口脂紅雪并新曆日等伏以蜡節嘉辰載於六籍皇恩隆  
洽賚及萬方金膏不秘於上清蘭澤遠傳於中禁加以玄  
霜絳雪素能愈病一作疾拆醒顏惟賤庸承此恩造隕越無  
地惶悚失圖縱知死所豈答玄造載頒新曆永傳億萬斯  
年欣奉明時獲辨七十二候無任云

為王大夫謝恩賜口脂曆日狀 前人

右中使某至伏奉手詔慰拊臣及將士等又賜臘日口脂  
并新曆日等伏以清祀嘉名載於前典實追歡之盛節亦  
和樂之良辰况天休光臨聖慈遐布顧臣賤陋竊奉明恩  
感戴周全不知所措蠲邪愈疾驗絳雪於仙方却老駐顏  
觀瓊膏於寶器式頒聖曆仰贊皇猷永為四海之尊更續



千齡之壽臣不勝歡躍云

為人謝賜日脂等并曆日狀 云 令狐楚

右中使吳千金至伏奉勅書慰問臣并賜前件口脂臘脂紅雪紫雪各一合并曆日一卷等者伏以歲將更始節及嘉平陛下疑香為膏聚藥成散頽日月於曆上奮龍鸞於筆端星分九天之使雲布一日之澤此誠無私之殊造均養之深仁而臣空抱愚忠曾無方畧一居藩鎮三度受恩朱奩忽開鮮膩與芳馨相雜素編既列閨餘將分至不差披尋而齒筭延長塗傳而口容芳潤油雲之覆逾廣無以勝任綿地之封粗安未為報效捧受嘗翫形神渙然無任感戴之至

謝賜臘日口脂紅雪紫雪曆日等狀

右中使董文萼至伏奉詔書慰問臣并宣恩旨賜臣前件物等者臣伏以天書垂露御曆頒年靈膏有瓊液之容仙散擬雪花之狀司天推步定分至於四時尚藥煎和辨君臣於百品無不關於睿想發自宸衷下錫勳烈之臣猶無一作獨不過分幸霑庸微之質實所難勝况乏潤身之資欣蒙苦口之利謹當奉揚節候下告于萬人宣播光輝旁誇於九族殊私未答渥澤逾深夙夜寢興不任感戴

為人謝賜男歲節料并口脂臘脂等狀

右臣得男公敏狀稱伏奉恩旨賜歲節料麵兩石羊一腔酒五斛口脂臘脂紅雪各一合者臣謬以庸虛叨塵一作



任使陛下前因蜡日已降使臣既霑澤口之膏又賜雪煩  
之散一從捧受實未遑寧豈疲病小男復蒙寵賜一作酒  
漿口腹充盈於盃盤藥餌脂膏馨香于懷袖雖君父用賞  
延之義微細不遺而臣子非立功之人光輝斯極豈德澤  
之私於一物俾恩波之重若三山夙夜寢興以榮為懼戎  
守有限不獲陳謝無任感慶屏營之至

臘日謝賜口脂集作狀

白居易

右今日蒙賜臣前件口脂集作蠟及紅雪澡豆等仍以時寒  
特加慰問者伏以時逢臘節候屬祁寒豈意聖慈不忘微  
賤念嚴凝而加之煦嫗慮皸瘃而潤以脂膏集作喜嘉集作氣動  
申歡容發外挾續之恩甫及集作所勉和則體舒不龜之澤既

霑感而手舞臣等省躬懷恤因物喻情豈止飲德營心空  
集作唯驚寵賜必擬澡身勵集作即以答鴻私感躍之誠倍萬恒  
品謹具奏聞謹奏



文苑英華卷第六百三十一

文苑英華卷第六百三十二

狀五

謝恩五

謝出餞宴狀一首

謝賜設狀四首

謝賜宴狀二首

謝賜食狀三首

謝賜酒脯等狀一首

謝賜人糧馬料狀一首

謝賜米麵狀一首

謝賜大麥麵狀一首

謝賜鹿狀二首

謝賜魚狀一首

謝賜蟹狀一首

謝賜車螯蛤蜊等狀二首

謝賜苳子狀一首

謝賜苳蔗芋等狀一首

謝賜茶果狀一首

謝恩命遣高將軍出餞狀

李邕



文苑英華卷第六百三十一

謝恩五

狀五

謝出餞宴狀一首

謝賜設狀四首

謝賜宴狀二首

謝賜食狀三首

謝賜酒脯等狀一首

謝賜人糧馬料狀一首

謝賜米麵狀一首

謝賜大麥麵狀一首

謝賜鹿狀二首

謝賜魚狀一首

謝賜蟹狀一首

謝賜車螯蛤蜊等狀二首

謝賜苜蓿子狀一首

謝賜苜蓿等狀一首

謝賜茶果狀一首

謝恩命遣高將軍出餞狀

李邕



右高力士奉宣口勅以臣臨政特令賜宴恭承惠渥伏念庸微天地周仁木石知感不勝惶悚戴荷之極臣死罪死罪臣歷觀自古君臣凡所際會或因緣黨進或收接功成故未謂而知不言而信豈有地孤援寡毀衆謗深察蒙蔽之中致昭曠之外逢陛下特達之遇當陛下明聖之朝事出常均恩重今昔臣誓將瀝血足可竭誠徒欲殺身豈能報德至如勵精勤政舉直狗公副陛下憂人之心行陛下弘道之化豈一作安敢失墜以負神明但函關路懸長安日遠不任戀主悽悽之至

謝賜設狀

白居易

右今日守謙奉宣聖旨以臣初入院特賜設者臣生長窮

賤才質孱微草野鄙夫風塵走吏豈期聖造擢在禁闈煦以天慈賜之豐食集作賜以御食臣所以陵兢受命俯伏荷恩心魂不寧手足無措况罇開九醞集作饌列八珍惠過加籩榮優置醴金壘引滿將皇澤而共深玉饌屬厭與聖德而俱飽終食且歎捫心自驚戰汗慙惶隕越于下謹奉狀陳謝以聞謹奏

謝賜設及疋帛狀

前人

右今日高品劉全節奉宣進止集作旨以臣等在院覆策畢特加慰問并賜設及疋帛者臣等職在掌文詔令考策雖竭鄙昧猶懼闕遺豈意皇鑒下臨聖慈曲至惠加賜食榮及承筐寵厚縑緗細仰難勝於玄貺恩深醉飽退有愧於素



食徒積慙惶何酌慶賜無任感戴屏營之至

謝賜設狀

元稹

右今日某乙奉宣恩旨賜臣就院設者臣聞推食之賜用勸勲勞置醴之恩以待賢彥微臣猥承天眷擢在內庭雨露頻施涓埃莫効陛下載分美祿特降珍羞空懷滿腹之慙未有沃心之鯁既充膚革誓竭肺肝竊位素餐實非誠願微臣無任感激恩私之至

為中丞滎陽公赴桂州長樂驛謝勅設狀

李商隱

右今日某日中使某奉宣進止集作就長樂驛賜臣及將

更等設饌者將承闡集作寄尚忝朝恩絡繹八瓊芬芳九

醞臣階緣薄伎塵辱脩塗揚執戟之讀書雖無非聖董太

中之對策何補清時忽委廉車乍離閩籍誠欣列土實耿

辭天然猶食指告祥朶願有慶爰於近驛式降貴臣酒自

堯罇饌分禹膳集作下霑將校旁耀路岐况臣平生本實

孤賤懷書奉役久無黔突之謀入國展儀且憐殺蒸之禮

飽期滿腹醉更憂心終虞負乘之災無報雲天之施臣與

將吏等無任望闕感恩結戀屏營之至

九月九日謝恩賜曲江宴會狀 白居易

右今日伏奉進止集作賜臣等於曲江宴會特加宣慰并

賜酒脯等者伏以重陽令節大有豐年錫宴於無事之朝

追歡於最勝之地况天厨酒脯御府管絃寵賜忽降於案



中慶幸實生於望外仍加慰諭曲被輝華臣等各以凡才  
同叅密職幸遇休明之日多承飲賜之恩樂感形骸歡容  
動而成舞榮集作澤均草木秋色變以爲春徒激丹心豈報  
玄澤謹奉狀陳謝以聞謹奏

三月三日謝恩賜曲江宴樂狀 前人

右今日伏奉聖恩賜臣等於曲江宴樂并賜茶果者伏以  
暮春良月元巳嘉辰巳集作獲侍宴於內庭又賜歡於曲水  
蹈舞踟地懽呼動天况妓樂選於內坊茶果出於中庫榮  
降天上寵驚人間臣等謬列近司猥承殊渥集作澤捧觴知  
感終宴懷慙肉食無謀未展涓埃之効素餐有愧難勝醉  
飽之恩以此兢惶未知所報謹奉狀陳謝以聞謹奏

謝賜食狀

張九齡

右臣等面奉進止今就集賢院與諸學士等觀聖注道德  
經尋又賜臣等食竊味道道腹兼承珍饌聞義飽德虛往實  
歸臣等何人叨承渥澤不勝惶悚感戴之至

謝每日賜食狀

常袞

臣袞言臣聞恩或曲存義不虛受故者儒碩德方載珍羞  
大節殊勲乃加禮食至於列曹分署各置飡錢匪頒王褒  
食有公膳陛下勵精庶政垂意輔臣特降非常之慈屢蒙  
每日之賜上林果實至必先時太官飡牢送無曠日臣等  
自登三事已涉三旬當朝廷釐革之時佐海內安危之重  
入趨殿省常奉憂人之旨出在廟堂每思克巳之功而不



能陳一策進一賢外無平戎之謀內闕叙官之實四夷未  
格百姓未安不副憂勤合當罪累更承飲賜實用慚惶既  
招拆足之嫌將貽騰周易作騰口之誚伏望重回宸睭載允誠  
詞俯停三錫之恩伏免萬方之責則神明或祐官謗不行  
在微臣再受多福無任懇迫悚懼之至

代杜相公謝就宅賜食狀

劉禹錫

右高品某乙奉宣聖旨賜臣食者出自太官飲于私第光  
榮曲被猥承推食之恩駑蹇未施益重素飡之責舉其七  
筓若負丘山無任戰荷踴躍之至

為宰相謝恩賜酒脯餅果等狀

白居易

右中使某奉宣聖旨賜臣等前件酒脯二字集等俯僂受

賜竦躍荷恩天酒來以分甘御餽集作羞降而示惠臣等省

躬知感因物言情寵過加遠懼多尸素之責榮同置醴慙  
無麴蘖之功徒瀝丹誠豈醇玄造

代謝賜人糧馬料狀

此是讓狀英華誤編于此

于邵

右臣先奉恩旨賜前件人糧馬料初已陳讓不蒙允許臣

昨日於延英對見又請前件糧數內停一千人糧聖情未  
察倍增一作益惶懼臣自興兵已來早參戎律及討慶緒即

從先皇皆虔奉睿謀遂稱多難豈臣簿劣輒敢貪天而寵  
遇特深封賞殊厚纏綿渥澤三十餘年食邑累加俸料甚

一作廣自此之外更有田園朝夕所須幸無闕乏不謂繼

明之始恩出非常曲賜褒崇霑此糧斛雖雲雨之施在恩



私而至極彼凋朽之質顧饕餮而多慙是以形神震駭不知所據懼悚顛沛以促餘年敢犯宸嚴重析哀亮儻蒙全度伏乞賜停謹奉狀云

謝米麵羊酒等狀

常袞

右中使其至奉宣恩命以至節恩賜米麵羊酒猪鹿及雜口味等者聖旨頻降榮賚過優以周官百品之珍載頒其實雖魏臣五金之貴豈容其多受賜踰涯拜恩失序臣出自孤賤素甘貧苦不過滿腹竊誠終身且祭不掩豆飯惟脫粟昔聖之美其儉可師敢望豐盈重彰尸曠而雨露偏施歲時益榮俾奉先之饗味兼海陸合族之宴及於膏梁又沐深慈下霑中饋以感以慶啓處難任無德無功慙惶罔措不任戴荷兢惶之至

謝賜大麥麵狀

張九齡

右林招隱宣勅賜臣等招隱說云薦新之外自禁中所出皆是降至尊親耕稼穡之所成也伏以周人之禮唯有籍田漢氏之薦但聞時果則未有如陛下嚴祗於宗廟勤儉於生人事必躬親動合天德臣亦何幸近奉徽音又蒙聖恩猥垂珍錫已飽於聞義况靈此時羞綢繆渥澤未知報効死罪死罪仍望宣牒史館以示將來臣等不勝感荷之至

謝賜鹿狀

常袞

右中使邠國俊奉宣恩旨以前件鹿稍覺鮮好特以賜臣



者謬竊和羹之任累承分食之恩無補消塵叨一作霑雨  
露上載洪造內愧素食伏以陛下順時令以宣風展春蒐  
之爨典有司奉職上苑從禽將備御庖獻茲鮮獸宜供六  
膳以副八珍臣實無功何以受賜寵承殊渥味則非時顧  
調飪而空慙荷生成而何答無任感恩悚抃之至

為晉公謝賜鹿肉狀

苑咸

右內品官史鳳節至奉宣聖旨賜臣鹿肉一盤捧戴殊私  
喜躍無地伏以十月農隙三泰歲成展豫離宮時巡近甸  
幸承扈蹕已荷陪遊之榮恩降自天更沐珍鮮之賜慶覃  
野坎澤披私門顧螻蟻之至微仰丘山而何答無任感佩  
惶悚之極

為晉公謝賜魚狀

前人

右內品官葉惠仙至奉宣聖旨賜臣魴魚一盤仍便令造  
羹伏以九天之使頻過衡門八珍之羞屢霑御膳登盤既  
榮於薦熟正席更喜於先嘗每侍軒墀曾無獻替歸休私  
室偏沐恩波空荷紅鮮之慈實負素食之責無任惶悚感  
戴之極

為晉公謝賜蟹狀

前人

右中使焦庭望奉宣恩旨賜臣生蟹一盤便令造食臣自  
叨陪侍從累沐殊榮朝天賜浴於御湯退食每霑於仙饌  
賞隨恩積慶逐時新臣之何功偏承厚錫游泳渥澤但懼  
踰涯徘徊寵私無階答効無任望外荷戴之極



為晉公謝賜車螯蛤蜊等狀 前人

右品官葉惠仙至奉宣聖旨賜臣車螯蛤蜊等仍令便造

膳適中使賜臣水獮肉一合自溢陪巡幸累沐殊私每荷

一作沐天恩曾不踰日或承海味或降珍鮮况皆聖主傳芳

王人調飪薄効無裨於涓滴厚施轉積於丘山昔周美康

侯特霑蕃庶之錫漢崇張禹取覃賜饌之榮才不逮於前

賢而遇每深於曩眷雖竭心盡節何答生成不任云云

二

右內官趙承暉至奉宣聖旨賜臣車螯蛤蜊等一盤仍令

便造趙承忠至又賜生蟹一盤高如瓊至又賜白魚兩箇

伏以衡門之下頻降王人簞食之中累承天饌適口之異

無時不霑駭目之珍每日幸一作皆遇顧循涯分何以克當

徘徊寵私罔知攸答

謝恩賜甘子狀

于邵

右中使某乙至奉宣進止賜臣前件甘子伏以江潭所出

見重於南州苞茅入貢一作菁遠歸於北闕陛下念其野

次錫及微臣顧萍實以虛言非蔗漿之足擬分甘絕少遷

李陵甘子少竊荷於恩私食堪懷音敢忘於報効無任云

謝賜甘蔗芋等狀

常袞

右今月某日喬甘至奉宣恩命賜苑中所種甘蔗及芋等

其形豐其味甘曲被生成之恩宛同吳蜀之物過蒙頒錫

伏用驚喜陛下以萬靈効祉六合同風養之則生孰云其



遠化之自我不隔華夷將有絕域之人服中州而稟教故  
使他邦之產歸上苑而咸植既登天膳實表地成太和之  
理於斯可見捧承異貺兢跼素飡感戴之誠倍百恒品不  
任受恩悚懼之至

謝賜茶果等狀

白居易

右今日高品杜文清奉宣進止集作以臣等在院脩撰制

問賜茶脯梨果者集作茶果梨脯等曲蒙聖念特降殊私慰諭未

終錫賚旋及臣等慙深曠職寵倍驚心述清問以脩辭言

非盡意仰皇慈而受賜力豈勝恩徒激丹誠庶集作酌玄

造無任欣戴抃躍之至

文苑英華卷第六百三十二

文苑英華卷第六百三十三

狀六

謝恩六

謝賜衣服狀五首

謝賜春衣狀六首

謝賜冬衣狀六首

謝賜馬狀八首

謝集作賀侍講遍賜衣物伏

張九齡

右高力士至宣稱陛下親講讀毛詩遍賜侍講陳希列三

品兼賜衣物等伏以睿思玄通超然物表俯臨天下必樹

風化既弘儒教考覈詩人爰託師資親行講讀章句初畢

賞賜集作錫有加明主深恩集作用心誰集作孰不知勸臣謬承任

遇實愧經通聖業彌深微誠何補方思敦學以助皇明集

時無任悅豫之至



謝賜衣服及絹狀

前人

右中使某至特蒙恩曲賜遠別之什又中使某宣口勅賜衣一副并絹一百疋者但柱礎雖下感致於青雲陽燧則微昭應於白日在臣孤賤亦荷寵光伏惟陛下御札龍躍八體比之未雉天文鳳章五色對之猶淺况東帛荐至衣服仍臻施重丘山恩深江海實為九族遍有光華匪唯賤陋獨稱榮慶不任云云

謝賜衣物狀

前人

右高力士宣勅賜臣衣及器物等臣九齡不孝苟存企及禮制天恩以忝樞近賜問再臨衣服玕器殊常寵錫臣有何力可以叨濫渥澤至深誠效已竭唯有微命不知所圖無任感戴惶悚之至

無任感戴惶悚之至

為盧監被盜衣物謝賜御衣物狀

蘇頲

內常侍趙元亨奉宣恩旨以臣被竊盜失物賜臣衣一副臣素以慢藏闕於周備令尹為過尚不可逃太丘有言復不能覺使臣知政未息盜於荏蒲加臣匪服遂增輝於樛櫟顧深慙咎翻荷恩慈捧戴循環再三惶懼無任下情之至

謝恩賜衣服狀

白居易

右今日守謙奉宣聖旨以臣初入院特賜衣服者臣自入禁司纔經旬月未申集作陳薄効累受殊私况前件衣服等獻自遠方降從御府既鮮華而駭目亦輕煖而便身臣實



何人堪此榮賜必擬秘藏篋笥傳示孫子何則顧陋質而  
懷慙貌非稱服撫微軀而荷罷力不勝衣因物感恩無任  
愧懼謹奉狀

謝恩賜春衣狀

崔行先

右中使某至伏奉勅書手詔宣慰臣及將士等兼賜臣春  
衣等鴻恩濡澤忽降轅門霧縠冰紉猥加介冑臣等謬膺  
委使徒展寸誠曾無逐獸之功每懼伐檀之刺捧受祗慄  
不知所裁仰戴恩光將何上答彌憂不稱其服益用內愧  
於心無任云

二

右中使某至伏奉勅書手詔宣慰臣及將吏等又賜前件

春衣臣等駑駘賤品介冑匹夫未彰塵露之功游及雲霄  
之澤喜抃兢惕恍然失圖捧戴恩私不知所擬以御府紕  
素耀晴景於三春天宮蘭麝襲回風於十步豈土水之質  
被服所宜雖灰粉其身上答何極無任云

同前

于邵

右今月某日中使某至伏奉勅書手詔慰諭臣及三軍等  
并賜臣及大將春衣者捧戴抃躍實增慙懼臣功效微淺  
罷遇日深霜露適濡恩已承於挾纊清明纔度賜又及於  
解衣仰服用於公家罷裁縫於私室已頒分大將訖各盡  
殫戎之力用申報國之誠

同前

常袞



右今月五日監軍某乙差行營十將某乙送正月十二日書詔并賜臣衣三副軍將二人衣二副跪伏捧承惶悚殞越臣素以愚懦昧於吏能虛受寵私豈堪任使謬承條察吏法非明忝司訓練戎行不肅今之曠職獨有微臣宜懲冒榮以勵分鎮豈謂特廻聖睠俯示天書曲降宸慈載加墨詔下頒春服遠被時恩獎飾逾涯兢惶失次載光師旅仍錫偏裨誓以捐軀期於上報無任慶抃悚踴之至

謝賜春衣牙尺狀二首為人作

令狐楚

右中使某至伏奉詔書宣賜前件物臣伏以衣服者身之文章尺寸者王之律度被於四體不衷則災考以二分無差為貴伏惟皇帝陛下陶蒸萬類軌物兆人每及新春皆

願上賞其或才堪國用智代天工福至而驚名成猶懼循省涯分比數藝能臣實無任累承斯寵曳紫光於腰下稱佩黃金操素質於掌中如持白璧窺看耀日舉止生風誠聖主全覆育之仁顧微臣無秉持之力蒙恩過厚忍愧逾深終申一寸之功用答九重之賜欣榮感惕不勝自任云

二

右中使駱元榮至伏奉勅書手詔慰問臣等并賜臣春衣二副牙尺一枝軍將衣二十副者臣伏以行慶于下惟德所廣受賞于上無功則難臣實何人叨居重任履冰非懼食檠為其今者伏蒙陛下推漢后解衣之恩寵錫春服稽有虞審度之典榮頒象尺樂官考正無累忝之差女御裁



縫有奪朱之麗而况端平皎潔無慙七寶輕盈絳繚不謝  
六銖此臣所以捧觀而似覩鈞衡服拜而如生羽翼謹便  
分散諸將傳示眾人感戴欣抃歡與臣同一作感戴欣所  
守有限不獲拜謝無任欣躍一作之至

謝賜冬衣表

權德輿

此表移在五百九十三卷表門今存其目

謝賜冬衣狀三首為人

令狐楚

右中使宋文舉至伏奉勅書手詔慰問臣及將士等并宣  
恩旨賜臣等前件冬衣者臣伏以瓜牙之寄才實甚難衣  
裳之賜恩為至厚臣之氣質無所任用誠不足以膺重寄  
而蒙厚恩今陛下陶以大和蓋其多闕及戒寒之月屬授

表之時喻

一作倫

比賢能頌宣慈惠跪聽清問欽承寵章宛

是蠶綿爛如獸錦長皆被土貴實蕪金分列校不辨鮮華  
在微臣最為重疊自承天澤不憚風威仰戴恩光有千鈞  
之重俯循功績無一縷之微空知竭誠難以勝德謹並捧  
受分給訖所守有限不獲陳謝無任感慶屏營之至

二

右中使某至伏奉勅書手詔慰問

臣

及將士兼宣恩旨賜

臣等前件冬衣者伏以綸綽之言出於天澤衣裳之受必

以王功臣職在總戎任當平寇効無絲髮非聖主而豈容

施若丘山在愚臣而將壓今者司寒肇至命服載新降自

九霄來經千里錯鳥豈於襟帶奮能文於素牋兼并縟麗



備極環竒木石之姿過蒙鮮饈水霜之氣頓減嚴凝曳婁而賤質生光憤悱而懦心增勇終期薄効用答深恩謹準勅受兼分給諸將訖所守有限不獲陳謝無任感戴之至

三

右中使吳千金至伏奉勅書手詔慰問臣及將士等并宣恩旨賜臣冬衣兩副及諸將衣二十副者臣守國之藩荷天之寵名聲績用未有可稱伏惟皇帝陛下仁育四方澤均群動當玄律開冬之候念初寒用事之初書詔交飛衣裘疊至墨盡龍蛇之妙綾兼龜鶴之竒服翫而衰殘有光拊循而孱懦增氣臣而下萬口一聲臣並準勅分配訖不勝歡抃愧戀之至

為榮陽公謝賜冬衣狀

李商隱

右中使某至奉宣恩旨賜臣冬衣一副大將衣四副兼賜

臣手詔一通者八行帝語宵降於重宵一襲天衣俯廻於

窮節臣當時準詔給散訖臣叨蒙重寄適控遐陬地雖五

鎮之衝氣得四時之正每玄冥應律顓頊司辰當二日之

鑿冰則殊幽英華作幽野及兩楹之飛雪無異朔山重以寶布

少溫蠻綿乏暖方求麗密以禦嚴凝豈望司服頒衣貴臣

傳詔綾裁飛鵠絮集作素裏仙蠶白分椒壁之光紫奪蘭牙

之色已均下將仍逮連營晏子狐裘故弊何一作舊彰於

國儉王恭鶴氅風流不自於君恩被服有輝負戴無力謹

當上宣殊渥下拊多寒均大裙於瑯琊變無襦於蜀郡粗



令康泰以塞貪叨臣與大將等無任望闕感恩抃舞屏營之至

為濮陽公涇源謝冬衣狀

前人

右某月日中使某至奉宣聖旨賜臣及大將兼諸鎮防秋

兵馬等前件勅書手詔并冬衣者臣並已準詔旨宣示給

散訖恩極解衣榮加降蠶戴山未重負日非暄臣謬領藩

垣適當戎狄唯憑廟筭粗展集作軍威絕漠集作穽迴幸

無警急高烽火過但報平安直以地勢多陰川形稍背三

伏常聞於屏遠九秋尋訝於垂繒代馬蹇嘶隴山無葉燕

鴻未過涇水先冰是以每降王臣仍迂御筆緘封垂露寵

錫禦冬非玉女裁成即仙人織出徒驚在笥莫匪集作因

針始顧辱微深懼不勝冠帶旋蒙被服便如能執干戈遍

逮軍前歷霑麾下達喜氣而陳根復秀動歡聲而蟄戶潛

開華楚成行曳婁塞路其山南宣歙三道大將等雖久居

炎燠不慣嚴凝亦既更衣皆忘易地買餘勇而例思盡敵

感鴻私而咸願殺身各限征行不獲陳謝臣與大將等無

任瞻天戀闕感恩屏營之至

謝賜冬衣狀二首

張次宗

右伏以玄律戒時祁寒應候玉人傳詔御府頒衣伏惟皇

帝陛下盛德御天至仁育物每念藩方之任屢加寵錫之

恩臣績効未施塵忝茲久捧溫密之詔喜若朝天被輕織

之衣暖同就日况撫寒之問下及師人錫服之榮遍周戎



校喜氣乍傳於封部陽和先及於荆衡爭馳戀闕之誠各  
勵酬恩之至云

二

右中使劉泰伸至伏奉勅書手詔宣慰臣及將吏僧道百  
姓等并賜臣手詔及冬衣兩副大將衣十副者清風戒寒  
玄律將至未及嚴凝之候已霑輕煖之衣承寵命而載慙  
啓緘封而增感伏惟皇帝陛下至德御時深仁育物光武  
十行之詔每覩憂勤魏后五時之衣未爲寵錫况臣叨榮  
漸久受賜彌多寒暄之節候驟移新舊之光華相委被服  
悉頒於御府裁縫僅度於私家挾纊之恩已周於列校維  
鷄之刺尤媿於微躬無任云

謝賜馬狀

張九齡

右今日高力士奉宣聖旨賜臣紫騮馬一疋伏以恩覃不  
次寵遇非常有忝股肱之臣頻奉渥注之賜况郊壇展禮  
尚未奠於九宮而雨露深恩反有叨於三接雖鳴珂噴玉  
朝天未代於臣勞而任重才微久歲寧酌於聖造荷負無  
力答効何階云

謝借馬狀

孔戣

右中使至奉宣進止將前件馬送臣至京兆路界祇承寵  
光載兢載惕微臣猥以庸瑣謬分憂寄拜命之日已受賜  
於龍媒遵路之時復假榮於天驥恩私稠疊渥澤殊常豈  
謂聖意不遺獨懷軫念輟驂騶於內廐駿逸步於長衢驅



馳忘勞服習如志誓當夙駕奔走所部冀安夷獠以免聖  
憂無任感恩懇款之至

謝借飛龍馬二疋狀

鄭綱

右中使某至奉勅旨借臣前件馬至京兆府界者王人在  
門天驥臨路寵光荐及行色增輝上感恩私何階答効自  
臣叨承戎寄累軫皇慈念輸力於外藩降逸才於內廐分  
憂未酌於聖主代勞已及於微臣雖駑鈍莫施而疲羸頓  
解再馳猶勤於遠道三接已及於帝畿即以某日至京兆  
府界迴瞻魏闕目斷白雲祇事正程指期丹激無任感戀  
之至

謝借馬狀

于邵

者今日中使某至以臣朝奏闕廷特借前件馬拜受殊深  
不任驚懼伏以詔傳中貴馬出內閑恩光自降於九重前  
疑作剪飾不關於衆口無功無効以懼以慙遂躡權竒方遺  
款段瞻天心喜已馳捧日之誠向闕身輕更遇奔星之足  
仰丘山而轉重知報効以何階

謝賜馬狀

常袞

右中使某奉宣恩旨賜臣前件馬臣竊位台司已招官諉  
未申薄効遽沐殊私捧荷驚惶心魂震越上慙慈睠下愧  
周行素無遠致疑作致遠之資益懼負乘之咎無任感戴之至

為趙相公謝馬狀

齊映

中使某至奉宣進止賜臣馬一疋并鞍轡者臣官叨上司



日荷厚俸回其乘馬足展驅馳宸睠過深聖慈猶軫猥出  
上駟特賚微臣豈徒體合鑄金法相皆備而乃足符歷塊  
驥德是稱仍束以銀鞍絡以金轡顧自微賤何可服乘拜  
命驚惶不勝戰汗當攬轡之際思六合於如琴執鞭之辰  
度三代之得策空懷夙夜寧効涓塵無任感激之至

爲段相公謝借飛龍馬狀

白居易

伏以出從內廐行及中途假飛龍之駿駒代跛鼈之蹇步  
執鞭拜命借馬喻身取其戀主之心以表爲臣之節恩深  
易感情懇難陳竦踴之誠倍百群品

爲中丞滎陽公謝借飛龍馬送至府界狀

李商隱

右中使某奉宣恩旨以

臣

赴任特借飛龍馬一

集作

疋并

鞭轡等送至京兆府界者

臣

謬奉恩榮出叨廉問豈期蹇

步深軫皇慈特命內

臣

俾騰上駟梁懸蜀鎧几覆吳鞍每

多曳練之疑不假着鞭之力倏踰秦甸將復周閑照地迴

光瞻天送影長亭欲別未期東道而來雙闕僮嘶願附北

風之思無任感恩戀闕雪涕屏營之至



文苑英華卷第六百三十三

文苑英華卷第六百三十四

謝恩七

謝賜宅狀二首

謝賜內園花藥狀一首

謝賜冰狀一首

謝賜弓箭狀一首

謝為宰相賜吐蕃信物狀一首

讓勅賜蕃口狀一首  
謝賜毯價絹狀一首

謝賜尺詩狀一首

謝賜撰鄭夫人碑羅絹狀一首

謝賜宣行哀冊文狀一首

謝令撰田弘正碑文狀一首

謝許受肅丹送撰碑絲絹狀一首



集賢謝示道經狀一首

謝御書大通禪師碑額狀一首

謝賜寺額狀三首

為五臺僧謝賜袈裟狀一首

為薛安謝賜宅狀

于邵

右件宅先賜臣亡弟嵩比緣空閑臣遂權住某日中使

甚至奉宣進止轉以賜臣并勅所司改給公驗臣素空行

藝久遭扞脇疑作汗脇陛下特存要領更齒班榮以非常之恩

以超等之賜自典環列職在警巡歲月徒深消塵罕錄豈

謂叨承後命曲被殊私賜以廢庇之地未為子孫之業生

輕施重內省知慙捐軀報德實臣志願無任感戴

代謝賜未崇宅并賜酒食錦綵器物等狀

右今日中使某至伏奉恩旨令臣移入所賜宅并賜前件

者慈旨曲降驚抃難容臣以微生幸逢休運上公政本既

荷殊私理第頒田特超恒數且居爽愷又賜歡娛芳膳出

於天厨喜疑作嘉賓傾於朝彥金石諧座珍奇爛庭况棟宇

輪困近加朽填林塘秘邃潛蓄清涼素以衡茅特驚弘敞

周履既增於魂悸眴眴殊覺於心慙臣實何人違茲多幸

飲恩知愧受賜輕生誓將灰粉百身償國家之恩遇拂磨

一劍弭一作兇醜於邊疆區區寸誠仰答萬一不任戴荷

之至

謝內園果栽并令府縣供花藥狀疑是代郭子儀作



右臣得男曜狀稱伏奉聖旨緣臣莊栽時賜內園果樹又令府縣與竹及同栽花藥等今月十日仍令開府魚朝恩已下到莊檢校者謬承大眷累沐恩私事有至微亦關聖慮顧唯別業封植未成特降明命賜臣草木移根上苑擢秀中園發輝池館之勝實荷生成之力侍臣中貴接武員來虛落生光里閭增慶况內園所賜品類已多府縣更供竊憂煩擾在臣諸已先有不敢重此勞人望停府縣所供曲遂微臣至願無任云云

謝賜冰狀

白居易

右今日奉宣聖旨賜臣等冰者伏以頒冰之儀朝廷盛典以其非常之物用表特異之恩况春羔之薦時始因風出當夏蟲之疑日忽自天來煩暑迎銷清涼集作颺隨至受此殊賜臣何以堪欣駭慙惶若無所措但一飲之慄慄常傾受命之心捧之兢兢永懷履薄之戒以斯惕勵用答皇恩集作茲謹奉狀陳謝以聞

代人作昭應獵謝賜弓箭狀

于邵

右中使其至伏蒙賜前件弓箭跪捧殊私抃躍無地伏以彤弓出馘利鏃離方月滿星流皆承御物摧剛服猛便假天威慙無矯控之能庶盡追擒之狀無任

為宰相臣謝恩賜吐蕃信物銀器錦綵等狀

白居易

右臣等才愧庸虛職叨輔弼遇天下削平之日當西戎即



叙之時遂使殊方致茲遠物此皆率由玄化感慕皇風人  
臣既絕外交問遺敢為集作言已有今蒙重賜益荷聖慈况  
來自外夷知德廣之所及降從中旨仰恩深而不勝感戴  
悚惶倍萬恒品

讓勅賜蕃口狀

此是讓狀英華誤編于此

張九齡

右高力士宣聖恩賜臣等蕃口執訊自邊釋囚為隸誠宜  
供國次及賞功臣等無庸以何集作受賜殊恩俯逮集作  
循涯自失伏望俯停渥澤存以至公矜遂懇誠許歸官寺  
則上有無偏之道下無苟得之責無任悃款之至

謝賜毯價絹狀

令狐楚

右監軍使李輔光廻奉宣恩旨賜臣前件絹者臣當道比

年未豐經費不足懼乏供億慙無智能陛下敬燭幽之光  
垂逮下之德絲綸既出縑帛員來數至累千價盈巨萬廣  
狹中量鮮明如冰足以贍三軍之賜予充百工之餼廩捧  
受欣抃不知所裁無任云

謝賜尺詩狀

張九齡

右今日高力士宣勅賜臣等御製詩并寶尺伏以尺者紀  
度之數宜麗天文詩者律呂之和是生節物聖恩下逮天  
旨旁流因物寓言以言垂象臣雖瞽陋伏見宸衷竊謝良  
工徒秉刀尺終期死力取配鈞衡而未副所圖退省知罪  
臣等不勝負荷感懼之至

謝賜撰鄭國夫人碑羅絹狀

張說



右內侍尹鳳祥宣口勅得所進闐羊表及鄭國夫人碑今賜卿綵羅二十疋絹一千疋闐羊薄伎恩感戰士之心雕蟲陋詞媿稱賢母之德効輕賞重戴厚慙深臣子之情豈望天報

謝宣行哀冊文狀

令狐楚

右臣先準勅撰成封進訖奉某月日勅旨敬依典禮不任號慕者伏以範天地之大者難為狀鑄金石之堅者難為工况先皇之武烈文明迴超前古而微臣之瞽言惜學不及中人顧惟庸虛謬獲紀述叨蒙恩獎特賜宣行竊文士之名誠有慙色彰聖人之德實荷經綸云云

謝準朱書撰田弘正碑文狀

元稹

魏博節度使李愬請與田弘正立德政碑右

臣伏準

集作奉

今月二十四日勅令

臣

撰前件碑文伏以田弘正首變魏

俗彰先帝之睿謀近入鎮州宣陛下之神武積成忠懇大

有勲勞人懷去思願刻金石陛下所宜外詔台席內委翰

林妙選雄文式揚丕績豈謂天光曲照御札特書猥付微

臣實非常例且臣頃以特恩拔擢便欲効死仰酌遂竭愚

誠累蒙召對自去年九月以後橫遭謗毀無由

集作因

再覩

天顏分隨枯朽而凋末絕恩波之望豈料聖慈長在記憶

姓名無人奏請撰碑便自宸衷宣付微臣忝非木石粗有

肺腸

集作肝

空懷感激

集作涕

之心未獲殺身之所無任感恩

思報鏤骨銘肌之至



謝許受江西送撰常冊碑綵絹等狀 杜牧

右今月十六集作九日中某至奉宣聖旨令臣領受江西觀

察使訖千衆所寄撰常冊遺愛碑文人事綵絹共三百疋恩隨幸至榮與利弁抃躍慙惶罔知所措伏惟皇帝陛下皇天縱聖赫日資明大獎功勞不計存歿舉常冊江西之績特令微臣撰碑墮淚之恩豈慙羊祐黃絹之妙實媿蔡邕今者更蒙恩私廣受綵帛捧戴兢惕無地容身不勝感恩慙惶之至

集賢院謝示道經狀

張說

右臣伏見聖札金字八分寫道經兩卷以為惠文太子三七追福天毫發彩宸翰騰輝色囂風雲光逾日月伏惟陛下孝悌之至通於神明俯念天倫用資幽贊當茲炎暑服此勤勞事絕古今感深名教臣忝司舊職載考前王未有親親之至稽隸之美如此之備也足以作則貽範垂之無窮伏望宣付史館以光典策無任誠懇慙惶之至

謝賜御書大通禪師碑額狀 前人

右內侍尹鳳祥宣示御書大通禪師碑額六字畫起平雲點蹲芒玉戈茅攢倚鸞鶴交飛神功發於至想睿思成於玄德實謂天龍捧持虛空稱贊逝者如在荐福知歸臣栖志禪門撰碑靈塔幸遇聖情崇道書假貸刻星辰於嘉石爛日月於封丘感極悲生恩深無答臣無任望外殊澤之至



謝賜天寶寺額狀

釋嗣安

右臣會覺等言臣聞皇天以平分四時聖人以亭育萬物  
僧等何幸頓沐殊私但以王者封畿乃稱鄠杜之邑諸侯  
近甸是惟鄴鎬之濱頃者靈符發兆聖號輝煥百神慶答  
萬國惟新不謂惠澤旁流降仙毫之瑞札宸慈下被賜天  
寶之嘉名普潤緇黃齊霑寺觀而魚龍起伏來從日月之  
宮束帛戔戔更賁金繩之界雙林戴色紺苑增榮臣等不  
勝抃躍之至

謝賜貞元寺額狀

崔行先

潞府羅城南面臣故使李抱真先用料錢脩置山  
亭并改造立五龍神院等

右臣昨奏前件亭子及五龍院等伏望天恩賜額為寺於  
當府抽有道行僧二十七人住持脩理為國崇福者伏奉  
勅旨允臣所奏賜額為貞元寺者特沐殊私俯遂愚懇採  
實曆之二字開浮域之一名演皇劫無窮之期示蒼生廻  
向之路莫大之福實在於斯且上黨古郡先皇舊藩星辰  
曾降於謳謔符瑞見存於圖諜昔為盤石之地新作布金  
之園廣梵宇於城中資聖祚於天上闔鏡臣庶歡抃難勝  
臣忝列藩維戴荷何極

謝賜僧尼告身并華嚴院額狀 令狐楚

右中使王進卿至奉宣恩旨賜臣前件僧尼告身并院額  
等臣伏以有為功德莫大於化人無上菩提亦先於奉國



臣以前因慶誕輒貢敷陳期降福於上天庶効祥於今古  
伏蒙陛下用至直之印轉不退之輪罷錫僧名榮頒院額  
仰窺金榜跪捧瑤絨龍翥四維鸞迴二點憑大悲之力便  
至道場承上聖之仁必成菩薩光生十地歡動一方荷天  
眼之昭一作照明願法身之清淨所守有限不獲陳謝無任  
欣戴之至

為五臺山僧謝賜袈裟等二首 前人

右中使蘇明俊至奉宣聖旨賜臣巾襪香茶念珠袈裟等  
伏以推恩之義法雨露而必均受施之深一作心戴立山而  
不墜伏惟皇帝陛下為人心印得佛髻珠垂衣于空寂之  
門倒疑於清涼之境每因令月常降信臣輦珍寶於九天

散芳馨于十地巾裁吳紵靡不輕盈帔衲齊紈無非麗密  
臣某等名非長者跡在凡夫既結襪以經行又焚香而宴  
坐覲楚山之新茗煩惱頓除持越海之名珠聖賢可數而  
煎和百品週遍萬僧觀奕葉以重光知分畦而疊慶豈大  
惟慈悲之力盡上帝福德之田誓當潔已禱天虔誠報國  
以無疆為聖壽以常樂為昌期長承覆護之仁水助清平  
之理限以脩習不獲匍匐陳謝無任感戴之至

同前

右中使蘇明俊至奉宣聖旨賜前件袈裟蓮子念珠等物  
均散五臺山諸寺伏以稻畦可製降自九天蓮葯親規生  
於八水或光浮眼界或香滿鼻根豈意凡夫今蒙罷錫山



積於樓臺之下無不裝嚴雲散于林嶺之中悉皆週遍咸承履露孰不欣榮誓將傳印之功以助垂衣之慶謹並準勅分散訖無任感戴之至

同前

文苑英華卷第六百三十四

文苑英華卷第六百三十五

狀八

賀上

賀冊尊號狀二首

賀冊皇太子狀三首

賀降誕日德音狀一首

賀聖躬痊復狀二首

賀順宗謚議狀一首

賀論三教狀一首

賀西幸改期狀一首

賀冊尊號狀

孔戣

右臣聞唐德格天列聖垂祐必紀名號以彰治唐功伏惟

元和聖文神武法天應道皇帝陛下續戎十聖時乘六龍

躬一德而善繼不承肇有形而天覆地載既休武力方用

文經遺步驟於殷周振聲容於華夏既而天人合應億兆



叶心探至道於邦家之先揭鴻猷於疆名之域陛下初遣  
群議方守謙光旋體至公遽迴慈睠德意既降盛禮將陳  
凡在品彙無任幸甚臣以待罪遐徼不獲稱慶闕庭徒勤  
子至江海之心有同太史滯留之日無任歡抃之至

賀冊尊號表

英華作狀非

韓愈

此篇當在五百六十九卷表門今已移入姑存其目

百僚賀冊皇太子表

英華作狀非

柳宗元

此篇當在五百十七卷表門今已移入姑存其目

為崔大夫賀冊皇太子狀

孔戣

臣聞帝皇立極必建儲貳俾承宗祧所以祇奉粢盛永固  
社稷者也伏惟睿聖文武皇帝陛下積德承業光有天下

思正國本以和人心載考春秋之義以明君臣之道主茲  
七鬯允屬元良推明至公振舉舊典皇太子體仁秉哲既  
嫡且賢溫文發中孝友聞外欽若不訓允膺冊禮陛下將  
嗣卜聖之休烈垂百代之懿範大備禮物廣設明庭陰氣  
方晦而忽銷旭日既昇而增朗夷夏胥悅神祇克諧足以  
包夏孕商跨周軼漢夫何晉魏以降易置瑣瑣不足侔此  
盛禮既畢洪恩又洽恤刑議獄旌善賞勞禮間高年存恤  
疾隱皇王之德於茲備矣臣忝列近侍親承睿謨抃蹈之  
切不任愚懇云云

為鄭尚書賀冊皇太子狀

令狐楚

臣聞於宣政駿冊皇太子訖伏以建崇儲位光啓春闈萬



方以貞九服同慶伏惟皇帝陛下誕敷聖訓光啓天慈咸  
元貞於國經鍾福慶於邦本皇太子温恭表德仁孝因心  
方毓質於龍樓肇增輝於望苑臣戎守有限不及蹈舞稱  
賀云

賀降誕日德音狀

元稹

右臣等伏奉今日勅旨集作書以降誕之辰奉迎皇太后宮  
上壽獲申歡慰宜集百寮及外命婦進名賀皇太后仍御  
光順門內殿與百僚相見便求爲常式者伏以降集作誕聖  
嘉辰承天令節新恩肇降品彙咸休皇太后念樞星之祥  
重遊甲觀群執事排閭闔而入盡唱賡歌同霑就日之榮  
實慶普天之樂况百官集作寮承式萬歲傳呼求爲利見之

規彌荷無窮之澤臣等謬參樞務親奉德音慶抃之誠倍  
萬常品無任鼓舞歡呼之至

李令公賀聖躬痊復狀

前篇作表已見五百六十九卷

于公異

平和

前篇作康平

上天

前篇作自天

坐朝

前篇作求衣

之事

前篇作之任

任於

藩臣

前篇作彼戎臣

其餘所司責成各有常務臣蒙國榮輒露丹

懇伏惟察納表

臣愚忠無任感激屏營之至

前篇作從容聖心消息玄

化爲宗社自愛委諸有司幸甚臣蒙國寵榮輒露誠懇伏惟察納表臣愚忠

爲大夫安平公華州進賀皇躬痊復物狀

李商隱

右臣聞藩方舊德臣子私懷將稱慶於天朝必展儀於土  
貢伏惟皇帝陛下道苞乾象德總坤靈肇自元正載康福



履九廟不忘於繼志兩宮無闕於問安鼓舞萬靈波傳四  
國驗推測則咸如周卜聽祝詞而皆若華封臣坐擁伏熊  
行驅畫準值一人之有慶當春日之載陽心但葵傾跡猶  
匏繫伏蒲之覲謁未果獻芹之誠懇空深况又地邇宸居  
俗薰儉德更無玉帛以率擗航前件石器等瑞匪土矧珍  
慙甌磬並取諸地產皆以勒工名杖苓伏神等品載仙經  
奇標藥錄通靈祛疾不唯色若凝脂延壽安神豈是心如  
枯木干冒陳進無任兢惶云

賀順宗謚議表

英華作狀非

令狐楚

此篇當在五百七十一卷表門今已移入姑存其目

賀論三教狀

張九齡

有伏奉今日墨制詔諸學士及道僧講論三教同異臣聞  
好向之論事蹟於偏集作萬方至極之宗理歸於一貫非夫  
上聖孰探要旨伏惟陛下道契無為思該玄妙考六經之  
同異筌三教之幽蹟將以降照群疑敦集作敷化率土屏浮  
詞於玉殿緝經集作精義於金門一變儒風再揚道要凡百  
士庶集作庶士非罔不知歸臣等幸侍軒墀親承至訓抃躍之  
極實倍恒情望宣付史館謹奉狀陳賀以聞

賀西幸改期狀

前人

右臣等今日面奉進止西幸有日般運已去仍聞京畿百  
姓猶有未安儻來歲非熟下無所向集作下人無向朕雖至彼復  
有何情欲延期至來冬待看穀麥卿等商度以為何似臣



等具奏洛陽城闕雖曰皇都至於宮苑之間制度本狹然風土氣候不甚宜人陛下以萬姓為心萬姓以陛下為命億兆所繫誠在聖躬聖躬若安何顧小小陛下遂當寧動色再降德音苟利於人朕何顧惜發言惻隱感動神祇臣等幸聞至言不覺承曉聖恩愛育遂及於此又勅臣等商量進來者湛恩至德焉可使朝臣不知聖恩鴻名不可令史官無述臣望宣聖旨改用來年十月幸西京仍望具將本狀遍示朝列并宣付史官臣等不勝感戴踴躍之至

文苑英華卷第六百三十五

文苑英華卷第六百三十六

狀九

賀中

賀祥雲見狀二首

賀上仙公主靈應狀一首

賀昭陵徵應狀一首

辯日傍瑞氣狀一首

賀太陽不虧狀二首

為宰相論月應蝕狀一首

為政事賀雨狀一首

賀祈雨有應狀一首

賀雨晴狀一首

賀麥登狀一首

為政事賀苗稼狀一首

賀祥雲見狀

張九齡

右臣等伏見道門威儀司馬秀表稱今月十日夜陛下親臨同明殿道場為宗社蒼生祈福有祥雲見伏惟聖德以



精意集作動天天意以勝蟹符聖其感甚速豈云玄遠集作

其應陛下肅集作敬之深勤恤所至靈心如答神道何言

自表休期以介景福生人大賴天下幸甚臣等忝居近侍

倍百恒情謹奉狀陳賀以聞伏望宣示史館

賀彩雲見狀

張說

右伏奉恩旨今日屬下元賜臣等侍從昇降聖闕禮謁大

聖尊容行香之際日西南有彩雲見者伏以大道無形至

誠斯應上玄降福感而遂通步集作於齋宮虔脩香火彩

雲生於曉日遽發祥光是知聖德與天心合符萬靈與群

仙叶贊臣叨陪侍從如昇汗漫之遊承恩禮謁更觀氤氳

之瑞榮幸之極千載一時無任欣集作慶之至

賀上仙公主靈應狀

張九齡

若臣等伏奉今月八日上仙公主靈座有祥風瑞虹之應

爰至啓殯乃知屍集作解又承牲集作稟清靈薄於滋味素含

真氣自不食鹽泊乎集作遷神集作又標奇跡伏惟聖系本於

道源妙有所鍾靈異必降不然者何得幼而能悟性與非

常適來以時且契於玄運超然而脫集作復昇於丹籙杳

冥雖遠髣像如存則知仙路有歸慈念已釋理絕今古事

昭聞見况臣等親侍軒墀幸聞仙解無任感慰之至伏望

宣付史館以昭靈異仍望宣示百官謹奏

賀昭陵徵應狀

前人

右御史中丞徐惲從京使還向臣等說妖賊劉志誠四日



從咸陽北向集作南見昭陵山上有黑雲忽起志誠謂

其凶徒云此雲將有暴風若衝頭立恐有破敗志誠久從

軍伍頗解雜占其言未畢颶風果至直衝行首莫不昏迷

衆心驚惶不知所出及至便橋之際竝即散走又見父老

云往年權梁山之徒將逞不軌當時亦有烈風暴雨發自

昭陵北集作至京城賊還破滅謹參往事與今同符者伏

以閭閻賤類竊敢猖狂而祖宗威靈亦已玄鑒昔年感召

若命蚩尤今日驅除更徵集作風伯所以妖烝集作自殄

狡計莫施頃集作刻之間逃形無路此皆神功潛運昌曆

無窮將俾孫謀用昭聖德事堪懲惡可以垂後無任慶悅

之至仍望宣付史館集作并示朝列謹錄奏聞謹奏

辯日旁瑞氣狀

元稹

本月二日日旁瑞氣右奉宣其日日上有橫赤五色氣鮮

明黃潤日兩邊各有嘉氣內赤外青宰相稱賀云是五色

雲見不知是否者臣謹按乙巳占有赤氣橫在日上謂之

戴其分當益土進爵推戴人君之象又人君當立王侯封

建親戚以為覆祐之徵竊見其日除王僭郭釗田布等官

則陛下凡有舉措盡合天心微臣所引占書悉皆明驗伏

請以戴氣宣付史官不可誤書五色雲又云青赤短小在

日旁謂之珥微曲向日謂之抱珥者纓珥之象天子有喜

兼集作有和親之事又當拜將抱者扶抱向就之象隣國

臣佐來降天子有喜賀之事子孫之慶臣下忠誠輔主國



中歡喜和合今北狄和親西戎通好時者承允請命其日  
三將同昇萬姓歡呼四方來賀亦可謂陛下九有舉措盡  
合天心微臣所引占書悉皆明驗伏乞集作請亦以抱珥宣

付史官不可誤書五色雲見以前件圖籍作載如右伏以

五色慶雲蓋是小瑞戴氣抱珥所謂殊祥宰臣忽遽之間

未暇精究其事此皆陛下禮行郊廟誠達神祇展百拜而

忘疲入九室而流涕近臣興感上帝垂休克呈捧日之祥

以展集作表動天之德微臣同霑侍從別感恩慈方當鼓舞

之時恨不叫呼而賀然臣以為陛下特宣手勅宰臣云今

月二日卿等所言日旁五色雲見參驗圖書蓋是戴珥之

象此皆祖宗積慶特示子孫之祥豈冲耿微誠能致昊穹

之貺宜令所司擇日告廟上以奉高祖無窮之祐次報憲

宗有截之功誕告華夷竝令知悉若此則陛下感通之德

已見九霄推讓之風將傳萬葉爛然宸翰手勅以示於天

下集作宰臣煥乎天文撰詔自生於聖旨事超萬古道冠百王

伏惟天恩密賜裁察

賀太陽不虧狀

張九齡

右今月朔太史奏太陽虧據諸家曆皆蝕十分已上仍帶

蝕出者今日日出百司瞻仰光景無虧臣伏以日月之行

值交必蝕筭數先定理無推移今朔之辰應蝕不蝕陛下

聞日有變齋戒精誠外寬政刑內廣仁惠聖德日慎災祥

自珥若無表應何謂大明臣等不勝感慶之至謹奉狀陳



賀以聞仍望宣付史官以垂來裔

同前

蘇頌

臣等伏承太史奏昨一日太陽虧陛下爰發行宮不御常

服聖慮淵唐諱默天情寅戒頓于行在不可榮社以責陰九

厥觀瞻不殊登臺而視朔自亭午過哺申寒沍成春一作温

陽光轉大伏惟皇帝陛下續千歲之統擁三神之休道洽

功成增高益厚金繩玉檢贖跡於前聞日觀雲封降祥於

即事且疇人察序太史宣職以曆而推式聞常度至時不

蝕乃自殊祥陛下昭事於上天上天昭答於陛下若是之

速其何響會非常之祉孰不忻懼臣等忝預從臣無任曠

躍慶抃之至

為宰相論月應蝕狀

前人

臣近者特奉玉階親承聖旨伏知今月十四日夜月蝕當

盡此驗非遠即胡滅之祥臣以為太陰之蝕必在於望太

史司占不言邇日聖人同契果應先天而不測為一作神

前知者聖臣昨宵將暝精慮仰觀初則桂魄正圓俄見冀

枝遂缺乙夜之後所蝕便既臣載欣載躍聞所未聞但恐

默發禍盈命危勢蹙百年之運晷刻當窮三象之微蔽虧

先肇一作見臣等忝階近侍喜萬恒情無任欣躍之任

為政事賀雨狀

前人

頃者西郊不雨南陸憊陽上動聖情下憂農事一八以禹

湯罪已百姓以堯舜為心知天人之合符非土龍之可致



德音朝降纔出於巖廊膏澤晚飛已周於城闕麥宜蚤秀  
日助晴光禾欲潤成歲知秋獲惟皇建極天且弗違用爾  
作霖臣復何補既叶夢魚之吉預占鳴鶴一作之期抃躍  
之誠萬萬恒品

賀祈雨有應狀

張九齡

右臣等昨面奉恩旨緣秋稼有望時雨暫愆念及黎元見  
于顏色方躬自祈請誠勤夙夜上靈昭鑒嘉瑞必臻昨日  
申酉之間雲物果應初含五色正覆於壇場未及終宵更  
洒於城闕遂使炎埃宿潤雲暑暫清實異膚寸之資必集  
致普天之澤臣等多昧徒仰於成造蒼生何幸每及於  
聖私無任欣慶集作抃躍之至謹奉狀陳賀以聞既有殊

應仍望宣示

集作史館

賀雨晴狀

前人

右今日高力士宣聖旨以霖雨淫集作滯有害稼穡  
之憂將親禱上陽三日內不坐精意朝發而重陰夕霽乃  
數日已來遂致開朗誰謂天遠其應甚速遂得麥秋有望  
蠶事且登則知至人無心與天地合契神功潛運豈陰陽  
不測伏惟陛下明德自廣兢業載懷所致休徵必加謙慎  
天聖相合福施群生日用不知年和在此臣等無功集作  
翊佐徒忝近密每有大猷承奉不暇無任欣戴慶躍之至

賀麥登狀

前人

右今日高力士宣垂示臣等皇太子表以嘉麥有成陛下



躬執勞事率先兆庶皇太子以集作已下繼美聖功臣聞勤

於稼穡必有麩麥之慶著在春秋則非他穀之比伏惟陛

下致敬宗廟屬意集作念黎元春郊順時則千畝在御禁園

測候則萬寓皆豐况云立訓天人降尊農務上靈昭德已

聞瑞日增輝當夏集作暑不疲則有祥雲自覆是彰敦本之

化式旌造物之功人謠在茲天意可鑒且禹之盡力堯實

用心史冊美談帝王成集作爲範未有休徵神應若斯之盛

者也以今况古千載未聞請付史官天下幸甚臣等叨榮

近侍倍百恒情無任感戴抃躍之至

為政事賀苗稼狀

蘇頌

若臣等昨面奉聖旨以近日暴風雨恐麥有損陛下務農

在候輟膳終朝憂勞之甚起居不憚臣等聞重華之德昌

發用心夏禹則為人先成湯自以身禱求諸往事未或前

聞天與聖符風將雨止杲杲之日吐扶桑而已霽芄芄之

野合岐麥而皆秋仍滋北里之禾更潤南山之豆京城可

望不知日用之功旒袞注懷尚切在予之念臣叨陪近侍

親奉德音上貽慮於納隍下增憂於拆鼎無任惶悚之至



文苑英華卷第六百三十六

文苑英華卷第六百三十七

狀七

賀下

賀剋捷狀一首

賀誅賊狀一首

賀退賊狀一首

賀破突厥狀一首

賀東北累捷狀一首

賀賊自相誅滅狀一首

賀破吐蕃狀一首

賀靈武破吐蕃狀一首

為昭義李相公賀雲南歸附狀一首

賀破渭北党項狀一首

賀斬僕固瑒狀一首

賀破高玉狀二首

賀韓僕射克招討使狀一首

賀破賊兼優卹將士狀一首

賀行營破賊狀二首



賀剋捷狀

張九齡

右高力士宣示臣等張侍賓表臣等前因奏事親承聖旨

懸料數日當一作必有捷書及此使至皆如霄畧但狂胡背

誕圖逼軍州一作州城凶力固已困窮邊城一無所損臣等伏

料此賊早是破傷六衆自遠方來四字集作遠來踰月乃去馬羸

則多死人苦則計生本是烏雜之徒足為集作微破亡之漸

此皆皇威遠讐氛侵坐銷豈伊邊人所能自保臣等幸忝

樞近承奉聖謨邊捷有符不勝慶悅謹奉狀陳賀以聞仍

望宣付史館謹奏

賀誅賊狀

前人

右蓋嘉運奏北庭解圍仍有殺獲蘇祿背德敢此讐天盡

驅犬羊來犯軍鎮雖肆凶毒欲逞其心而邊兵無遺鏃之

費狂賊有輿尸之禍此皆陛下聖武將士龔行遠必叶謀

動無遺策能令氛祲坐自廓清臣等每集作忝奉密謀屢承

獻捷踴躍稱慶倍百恒情謹奉狀陳賀以聞謹奏

賀退賊狀

前人

右高力士至宣勅示臣曹待宣奏狀知蘇祿遁逃集作走入

山出界者四鎮懸遠比被侵逼將士用命雖有誅鋤凶黨

集作徒尚多時集作日有抄掠兵疲矢盡為弊亦深今自奔亡

誠是震懼聖威及遠氛沴坐銷又北庭救兵當時迴旆不

費軍廩事且無憂吐蕃縱實西行蘇祿不得相應其敗可

必又無可憂邊事且寧不勝慶慰謹奏狀陳賀以聞謹奏



賀破突厥狀

右張守珪表奏突厥四萬騎前月二十五日至能訖離

鷄山契丹涅禮等前後斬獲俘馘數逾十萬突厥可汗棄

甲逃亡奚王李歸國及平盧軍將等追奔逐北計日殲滅

更聞奏者伏以突厥新立輕事用兵彼之威衆在於一舉

又兩蕃與其結隙交構未深在於邊隅猶軫天筭陛下料

其終始指授規模知其舉衆集作鍾盡來本自無策勞師襲

遠必合成擒使蕃騎先鋒漢軍堅壁坐觀成敗自戰蠻夷

今契丹纔交突厥已破計其奔北必至喪亡從脫身獲全

亦舉衆皆棄醜集作此虜震懾從此氣衰東胡保邊永不攜

二寬僇罷析自此可期皆聖德遠覃皇威遐振事無遺策

舉不失首臣等忝跡樞近親承睿畧忭躍之至倍百恒情

謹奉狀陳賀以聞謹奏

賀東北累捷狀

右今日劉思賢至奉宣聖旨垂示臣等破賊所由兼見守

珪表奏具承契丹累捷伏以聖武所加制勝者無失天威

不抗犯順者自亡突厥負衆背恩窮凶遠襲兩蕃懷德誓

死知集作如歸三軍奉國從命如指遂使一戰便克已聞殺

傷無筭慟哭而奔則知主將必死且蠻夷相伐我則不勞

疆場有虞義亦奚失固知無愆信於漠北有大造於燕垂

此實獨斷神謀事皆有預萬全之策未靜邊隅薄伐之師

匪勞中夏九在黎庶孰不欣躍臣等忝預樞近倍百恒情



無任慶悅之至

賀賊自誅滅狀

前人

右高力士宣示張守珪所上逆賊契丹屈烈及可突于等首級此等惡稔喪敗將及故天誘其衷既降又二而感義之士惡其翻覆背恩之賊已就集作既已誅鋤幽障廓清華夷俱靜計其餘噍末無動搖陛下邊任先擇聖謀獨斷克稟成命樹此戎功且知河朔無轉輸之勞林胡為賦稅之地臣忝在樞近預聞遠績捷書之至喜倍恒情謹奉狀陳賀以聞謹奏

開元三十二年十二月

此篇元誤編在五百六十六卷表門今已移入于此

賀破吐蕃狀

張說

右臣等伏以涼州遙稟神筭大振天威吐蕃小醜應時摧敗元惡渠魁乘勢俘戮隻輪疋馬坐見無遺雖虞舜之格有苗黃軒之征涿鹿未有廓清氛祲如今日之盛者臣等無任慶快之至

為昭義李相公賀雲南蠻歸附狀 崔行先

臣某等伏承雲南群蠻率其類八國獻款歸附以其月日至于闕下臣伏惟皇帝陛下端拱九重高視千古聖謨廣運方昭不宰之功至德柔遠是有非常之慶不然者荒陬蠻貊左衽烏言文軌未通嗜慾有異不知父子之性獨識皇王之恩此皆天誘其衷神助其請歸我龍德革彼狼心豈假渡瀘之師俄同兩階之舞夏啓之征有扈高宗之伐



鬼方書之載籍適足慙耻臣限以守職藩維典茲戎旅不獲隨列稱賀抃舞丹墀之至

賀靈武破吐蕃表

令狐楚

此表當在五百六十七卷賀捷表門今已移入姑存其目

賀破渭此党項狀

于邵

右臣得所由報破前件賊者伏以作逆者皇穹所誅阻兵者黔首共棄此賊與懷恩同惡俱爲不道昨率其蜂蠆犯我郊畿奉天之衆振其前邠州之軍制其後彼進無所入退知難歸尚肆貪狼更爲封豕毆侵縣邑剽掠居人光進仗天之威首殲魁孽杜冕賈士之勇再掃殘妖旣已誅其

鯨鯢佇見傾其巢穴凡在戎旅孰不歡欣臣忝愬兵權僭萬恒品

賀斬逆賊僕固瑒狀

前人

右臣某日於華州下邽縣東乾坑店下營伏承中使某昨日於路將逆賊僕固瑒首級過上都者伏以前件賊夷狄雜種素無令望本因行陣得踐榮班當將帥之權効錐刀之用幸憑廟筭頗立戰功陛下嘉其成效寵以非次謂能盡節翻構異端兇惡貫盈人神共棄今引頸受戮傳首而來率土之人不勝大慶子旣伏罪父必成擒掃蕩妖氛在於旬日臣忝司戎律倍萬恒情遲迴路隅踴躍忘倦無任慶快之至



賀生擒高王狀

前人

右臣得澤潞節度兼鳳翔秦隴臨洮觀察處置等使李抱  
王今月二十日牒稱先鋒將栢秀等十一月於南梁州大  
雪嶺北破前件賊黨殺戮四千五百人生擒高王妻及男  
女二人并獲牛馬八千頭匹器械三千餘事又得李抱王  
今月日狀稱於南梁州城固縣界擒高王訖伏以此賊因  
依山險嘯聚甲兵蟻闢郊畿之間鳴張邑屋之下西與犬  
戎連接北與逆豎交通更唱迭和窮兇極惡人神所棄覆  
載不容李抱王處奉睿謀深入其阻始則俘其逆黨終用  
覆此凶渠巖穴一作谷以之風行雪林由其電掃威靈遠暢  
兆庶同歡在臣微誠倍萬恒品

賀破高王賊狀

前人

右臣得孫志直狀報具件如前伏以此賊嘯聚日久兇逆  
實深在於邦畿頗懼辛蠻既與犬戎相結又共懷恩合謀  
若二寇比來必為內應孫志直忝承廟筭討伐殘兇既斬  
級以擒生遂傾巢而落邠蕃渠失援邊烽可息一作瞬臣  
忝惣戎倍萬恒品

賀韓僕射充招討使狀

令狐楚

右中使臣希倩至伏奉詔書吳少誠比令招討都不悛心  
今以韓全義充蔡州行營招討處置等使臣當軍兵馬令  
取全義指揮上官說充招討副使令臣使人詣一作於行營  
所撫慰將士仍令激勵臣伏見逆賊吳少誠殘喘微生翻



飛賤品敢違帝命來即靈誅陛下天覆爲心雲行其德念  
日月所照九州攸同哀陷穽之中一夫不獲懸申詔旨開  
賜生全而長惡未悛執迷不復凶逾殛鯨聲極吠堯今旣  
慎選武臣盡驅猛士威聲先路實勵於震霆剪滅剋期必  
同於沃雪欣歡奮激倍百恒情當道應行營將士等悉懷  
感怒畜力候奮指蹤示處旣以得人致命捐軀必應無敵  
臣即準詔差人轉往慰諭仍切加激勵冀申微効用答深  
恩不任悃欵之至

賀破賊兼優卹將士狀

前人

右中使臣希倩至伏奉詔書得全義惣率諸軍已入賊界  
四月二十七日大破賊徒并擒斬生級如有身死王事者

已委全義竝給棺槨送歸本道令臣五年莫停木糧者吳  
少誠吠滄下流不朝于海根萎弱植自絕於天陛牢之中  
鳴吠未已今霜鋒雲集月羽風馳旣壓賊軍纔聞僬鼓將  
摩寇壘已見靡旗實廟堂知先勝之形校隊陳爭登之力  
誅鋤有次蔑殺無難凡在方隅不勝欣抃臣伏以雖忠不  
烈戰士所羞視死如歸武夫之志伏惟陛下弘天覆憐爲  
日照臨載激怒肝爰收膚骨漢世徒頒其檣檟義闕送終  
周詩縱裹其糒糧賞延非嗣以今觀古奮一當千臣獲守  
邊陲叨居將帥無任感激之至

賀行營破賊狀

前人

右臣得當道行營兵馬使李黯狀報諸軍兵馬四月十七



日從臨潁縣三道齊進二十七日過潞水縣張村下營問  
探知桑林中有賊遂與接戰大破賊軍擒生斬級不知其  
數者臣伏以天道無親助其効順人生有欲患在不安今  
逆賊吳少誠深入禍門自沉且咎執迷不復謂暴無傷去  
至安而即甚危棄大順而爲巨逆避日月之照干雷霆之  
誅尚假息于寸陰敢偷生於數刻今者將從天落兵若山  
行濟潞水而不濡隔偃城而欲斷長蛇之首尾如截應接  
自難狡兔之窟穴已焚死亡無所方當破竹猶繫苞桑剩  
銳氣以長驅抗威稜而直指困雖闢亂不能軍旣摧衆  
惡之鋒必喪元兇之膽以愚籌度不日掃清臣忝守戎旃  
無任忭躍憤激之至

賀行營破賊狀

前人

右臣得當道行營兵馬使李黯狀報今月十三日於故信  
州城下破賊三千人斬首七百餘級者臣伏以舉止或高  
則無所措退藏多密罔或不亡一作知逆賊吳少誠用已之  
愚劫人爲惡唯日不足謂天可逃自韓全義稟受廟謀惣  
齊力士橫行於境深入其郭兵才交鋒寇已亂轍以羸師  
之骸星胷穢草而腥林疲馬之命委離裝壕而咽塹寔由  
奪其信幟拔彼懸門遂使戰野者不知所歸守陴者無從  
而出兇徒風散叛卒星分亦足以快帝怒於高天宣皇威  
於下土况臣任當旄鉞誓掃氛祲慶抃之情實萬恒品所  
守有限不獲稱賀闕庭無任屏營之至



文苑英華卷第六百三十七









